






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2918/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2918/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2918/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2918/A



1040 (2) (3)  
DE  
HVMANÆ VITÆ  
CONDITIONE, ET  
toleranda corporis  
ægritudine,

LIPPI BRANDOLINI

AVREOLVS

Libellus.



P A R I S I I S,

Apud Federicum Morellum, in vico  
Bellouaeco, ad urbanam Morum.

M. D. LXII.



Mira ingenij ac iudicij laude prædi-  
tus BRANDOLINVS hic fuit, & disci-  
plina exquisitarum literarum eruditissi-  
mus, ut qui tanto iudicio ac prudentia  
res alioqui graues, & ab opinione homi-  
num, nedum delicatis Regum auribus,  
abhorrentes, lumine interpretationis, at-  
que adeò Socratica quadam lenitate ac  
lepore ita illustrauerit, ut communem  
veterum in hoc scribendi genere lau-  
dem, citra controuersiam affectus esse  
videatur.



2

LIPPI BRANDOLINI IN DIA-

LOGVM DE HVMANAE VITAE

*conditione, & toleranda corporis egritudine, ad Mathiam Coruinum illustrissimum Pannoniae ac Bohemiae Regem, & ad Beatricem Aragoniam illustrissimam Reginam eius uxorem, Praefatio.*



**C**Vm in omni hominum genere virtus amanda & magnificienda est, tum in Principibus, & supremae fortuna uiris est uel maxime ueneranda. Cateri enim homines qui privatam uitam ducunt, cum eorum cura non late pateat, neque ad multos pertineat, sibi tantum aut paucis admodum, suo consilio ac uirtutibus prosunt. Reges uero & principes, quos omnium saluti consulere, & uniuersum Reip. corpus suis humeris sustinere necesse est, quamplurimis suarum uirtutum fructu impatiunt, suamque industriam ad communem humani generis salutem atque utilitatem exponunt. Illi praeterea institutis tantum homines atque artibus iuuant, eosque tanquam ex humili loco preceptis adhortantur. In humanum ge-

A 4



# PRAEFATIO

nus non modò legibus ac praeceptis instituunt,  
 verum etiam tanquam ex altissima vita spe-  
 cula, propriis ad benè beatèque uiuendum exē-  
 p'is incendunt. Nam ut uitia, ita uirtutes, in  
 Principibus maximè elucet, adeò ut propter  
 altissimum in quo sunt constituti dignitatis  
 gradum, minima quæque ac tenuissima uir-  
 tus, maxima in illis & clarissima uideatur.  
 Huc accedit quòd pauci admodum hoc tempo-  
 re Principes reperiuntur, qui uirtutes & bo-  
 nas artes, aut ipsi habeant, aut in aliis probent.  
 Quòd si qui sunt, illi profectò summis laudibus  
 offerendi, & propè numinum loco in terris co-  
 lendi sunt. Si cuius autem principis hoc tem-  
 pore uirtus honore aut laude aliqua digna est,  
 tua profectò incredibilis ac diuina uirtus Ma-  
 thia prestantissime, tua, inquam uirtus & sa-  
 pientia omni non modò laude, verum etiā uene-  
 ratione atque admiratione dignissima iudi-  
 canda est. Nam ut genus & maiores tuos Ro-  
 manam illam nobilitatē atque antiquitatem  
 referentes omitam, quorum splendorem tu non  
 modò conseruasti: sed amplissimè quoque au-  
 xisti, ut taceam quanto labore, quanta uirtute  
 regnum tibi amplissimum comparaueris: qui-  
 bus uirtutibus, quo ingenio, qua modestia, qua  
 mansuetudine parum non retinueris modò,



sed longè etiam latèque propagaueris. Tu tuis  
innumeris diuinisque uirtutibus, toto terra-  
rum orbe nomen tibi amplissimum & immor-  
talem gloriam comparasti. Tu enim unas Re-  
gum ac Principum omnium, militaris discipli-  
nae scientiam tantam habes, ut non modò no-  
stris, sed ueteribus quoque Ducibus atque Im-  
peratoribus possis, nō dico conferri, sed magna  
etiā ex parte praeferrì. Tu tantā in ea re auto-  
ritatē tuis maximis rebus gestis es consecutus,  
ut non modò praesentiam tuam, sed tuum quo-  
que & tuae gentis nomen, etiam apud remotis-  
simas ac bellicosissimas nationes, terribile ac  
formidolosum reddideris. Eas res gessisti, quarū  
fama totum terrarum orbem compleuerit. Ea  
verò mansuetudine atque humanitate predi-  
tus es, ut tibi non minus beneuolentia, apud  
omnes nationes mansuetudo, quàm terroris  
tui nominis autoritas comparauerit, ita ut  
quantum te omnes metuunt ob uirtutem, tan-  
tum ob humanitatem amare compellantur.  
Quid de liberalitate aut magnificētia dicam  
tua, cuius tam multa, tamque insignia exem-  
pla passim uideo, ut mihi tu non unus Rex be-  
neficus ac liberalis esse, sed omnium Regum, ac  
Principum liberalitate, & beneficentia uti ui-  
deare? Ita ut quum tui regni opes mecum re-



# P R A E F A T I O

puto, vix te satis copiarum ad id tuendum habere arbitrer. Quum tuam contra in omnes homines munificentiam uideo, te unum omnium Regum, ac nationum opes & copias sortitum esse existimem. Optimarum verò artium stadia, liberalesque disciplinas tanto studio atque amore complecteris, ut ad te unum omnes ex uniuerso terrarum orbe tanquam ad asylum quoddam conuolasse, & commigrasse videantur. Quum enim in illis excellere pulchrum & amplitudine regia dignum existimaueris, praestantes etiam in illis uiros maximis ornamentis afficere, & ingentibus ad te premiis allicere atque aduocare nō dubitasti. Quibus rebus effectum est, ut & quae uigebāt in aliqua orbis parte disciplina, tua munificentia maiore in modum extollerentur, & si quae adhuc neglectae atque incognitae latitabant, tua opera in lucem redirent. Accessit ad has laudes tuas Beatrix uxor optima & doctissima, tuisque moribus omni ex parte simillima. Quae quidem cum rege optimo, uirtutumque omnium amantissimo exorta sit, tum paterna educatione, tum imitatione tui, eo uirtutis, claritatisque processit, ut sui penè sexus oblita, tuas virtutes ac res gestas emulari studeat. Qua quidem in re tu quoque maximam es laudem as-



secutus, qui eam & tam sapienter elegeris, &  
 tam aptè tuis studiis accommodaueris. Quæ  
 quum ita sint, conuertisti nos quidem ambo,  
 omnium in uos Regum ac nationum oculos, o-  
 mnes mortales ad uestrarum uirtutum admi-  
 rationem & uenerationem cōcitauisti: ita ut  
 tum gloria rerum gestarum, tum hominum be-  
 neuolentia (quod optimum imperandi genus  
 est) totum penè terrarum orbem complexi sitis.  
 Ego quidem quum antea semper ita uos di-  
 lexi, ita uestri nominis studiosus fui, ut cupe-  
 rem de uobis aliquid scribere, & incredibileis  
 uirtutes uestras, quibuscunque possem lite-  
 rarum monumentis cōmendare, tum uerò post-  
 quam tantarum laudum fama compulsus in  
 uestrum regnum, uestri salutandi gratia ueni,  
 cum multo plura de uobis & maiora quā au-  
 dieram re ipsa comperissem, continere me non  
 potui, quin hunc meum erga uos animum ali-  
 quo testimonio declararem. Quum autem ali-  
 quid hoc tempore ad uos scribere decreuissem,  
 ab eo potissimum incipere uolui, quod esset &  
 uestrum utrique acceptissimum, & à mea gra-  
 uitate minimè alienum. Itaq; quū tu proximis  
 his diebus præstantissime Rex, grauius solito  
 ex pedibus laborares, atque ad id etiam ter-  
 tianæ facta esset accessio, cūque ea res ali-

A iij



## P R A E F A T I O

quandiu meum ad te aditū, & salutationem  
retardasset, digna mihi visa res est, quam &  
ego quantum possem oratione, & consolatione  
lenirem, & uterque uestrum non inuitus au-  
diret. Videbam enim Reginam uxorem tuam  
non minus, atque haud scio an etiā magis, quā  
te ipsum, de tua valetudine anxiam & solli-  
citam esse. Scripsi itaque his diebus librum, in  
quo sum utrumque uestrum non solum de cor-  
poris aegritudine, sed de uniuersa quoque hu-  
manæ uitæ conditione, consolatus. Quoniam  
autem, & disputatio incundior, & consolatio  
efficacior esse solet, cum allatis utrinque Aca-  
demico more rationibus, uerum ipsum peruesti-  
gatur, & quasi ex tenebris ipsis eruitur, ut ser-  
mo coram & tanquā ad praesentes haberi ui-  
deretur, Petrum Ransannum Episcopum Luce-  
rinum, Ferdinandi Regis apud uos Oratorem,  
grauissimum atque eloquentissimum uirum,  
vobiscū introduxi, hac de re disputantem: quia  
nulla uidebatur aptior persona, quæ de huma-  
næ uitæ conditione, & de corporis aegritudine  
disputaret, quā is, quō, & in omni discipli-  
narū genere peritissimæ haberetur, & diu in  
omni uitæ uarietate uersatus, plurima etiam  
experimento didicisset. Hunc autem librum  
utriusque uestrum nomini dedicavi, nam &



# AUTORIS.

causa mihi utrique communis uidebatur, & vos qui in uirtutibus, in amore, in uita, in animo coniuncti essetis, non existimauit debere in meis scriptis esse disiectos. Accipietis itaque hunc librum ut primum animi testem atque indicem erga nos mei. Ita uerò legetis, ut Petrum in eo, non me loqui arbitremini. Fiet enim hac opinione ut & librum fortasse libentius legatis, & quae in eo dicuntur, utpote ab homine doctissimo dicta, ueriora grauioraque existimetis. Ego quidem si uobis aliqua ex parte satisfactum esse intellexero, & me satis magnam mearum lucubrationum fructum percepisse existimabo, & alacrior ad alia conscribenda efficiar. Sed nos iam Petrum ipsum loquentem audiatis.



LIPPI BRANDOLINI DIA-  
LOGVS DE HVMANAE VITAE  
conditione, & toleranda corporis æ-  
gritudine, in quo Matthias Rex, Bea-  
trix Regina & Petrus Episcopus Lu-  
cerinus, loquentes inducuntur.

P E T R V S.



EREOR ne aduentu  
meo perturbem ser-  
mones uestros, qui gra-  
uius fortasse aliquid &  
secretius colloquimi-  
ni. Ego uerò (ut Flacci  
verbis utar) in publica,  
commoda peccem, Si longo sermone  
morer tua tempora Cæsar. MAT H.  
Immò uerò tuo aduentu, Petre, & sermo-  
nes nostros confirmas, & nos ambos (ut  
tibi etiam pro uxore respondeam) maio-  
rem in modum recreas. Nam quum ob  
ipsam dici obseruationem, quæ nobis  
diuino instituto, septimo quoque die ad  
quietem est tradita, tum ob hanc meam  
pedum ægritudinem, quæ me solito gra-  
uius uexat, otiosi sumus, atq; hac ipsa de



re nunc maximè colloquentes, in eum  
 fortè sermonem incideramus, ut huma- *Humana*  
 nas miseras deploraremus, quæ nobis *miseria.*  
 tam multæ ac tam magnæ uidebantur,  
 ut non dubitaremus id propè affirmare,  
 quod nonnulli etiam celebres Philoso-  
 phi putauerunt: Oprimum esse homini aut  
non nasci, aut quàm celerrimè aboleri.  
 PET. Adeone tibi Rex uoletudo gravis  
 est tua, ut ex te omnes homines iudices,  
 & quod de te ipso sentis, de uniuerso hu-  
 mano genere sentire nō dubites? Memē-  
 to te & Christianū, & Regē, & Mathiam  
 esse, qui & sapientia cæteris antecellas,  
 & Christianam religionem armis defen-  
 dere consueueris. MAT. Absit ut  
 ego quicquam nō modò dicam, uerum-  
 etiam cogitem, quod à Christiana ueri-  
 tate abhorreat, pro qua uitam ipsam pro-  
 fundere pulcherrimum ducerem. Sed  
 tanta est interdum uis morbi (quod mi- *Vis mor-*  
 hi proximè accidit) ut opprimar, & uix *bi.*  
 resistam dolori, quò mihi iucundior at-  
 que optabilior est aduentus tuus, qui me  
 & labentem confirmare, & mœrentem  
 consolari tua oratione & sapiētia possis.  
 Nam quum propter ea quæ ipse de tuo



DE HUMANAE VITAE

ingenio ac doctrina saepenumero uidi,  
tū ob ea quæ ex uxore audiui, cupio equi  
dē, & iam pridē cupio, te aliqua de re au-  
dire disputantē, atq; his maximè de reb<sup>9</sup>  
quæ possint nos non solum in præsentia  
delectare, sed alacres quoque in posterū  
ad ferendā cōgritudinem reddere. Credo  
hoc etiam uxori, quæ meo dolore mœret,  
nō iniucundū fore. B E A T. Mihī uerò cō-  
iunx hoc tā gratū erit, quā quod gratif-  
simū. Nā & de te ut debeo anxia & solli-  
cita sum, quem non ut uirum amo, sed ut  
parētem alterum obseruo ac ueneror, &  
Petrū ipsum audire summoperè aueo,  
quem iam diu per tuam istam ualetu-  
dinem audire non licuit, quanquam tu  
& eius copiosissima atque elegantissima  
scripta, quibus omnium seculorum Re-  
gum ac nationum res gestas, memoriæ  
mandauit, ut existimo legisti, & cum in  
ipso legationis munere, quo apud te ali-  
quot iam annis patris mei nomine fun-  
gitur, satis expertus es, tamen cum nobis  
hodie oblatū esse, quem audire possimus  
de rebus grauissimis disputantē, maiore  
in modū gaudeo, ut & nos ambos sua o-  
ratione cōsoletur, & opinioni quam tu



# CONDITIOE.

de eo ex meis potissimum uerbis conce-  
pisti, cumulatè respondeat. Augebit, mi-  
hi crede, sua præsentia, & meâ prædica-  
tionem & expectationem tuam. Gratissi-  
mum igitur ambobus feceris Petre (ut ti-  
bi etiam pro Rege promittam) si de hoc  
roto humanæ conditionis genere, copio-  
se, ut soles, ornatèque disputaueris, nòs-  
que ad omnem corporis ferendam egri-  
tudinem, tua oratione confirmaueris, ut  
& ego sim posthac ad meas, si quæ acci-  
derint, egritudines tolerandas paratior,  
& cum quem ex Regis ualetudine capio  
dolorem, aut magna ex parte deponam,  
aut equiore certè animo feram. Nam ta-  
met si pro mea in Regem singulari bene-  
uolentia, incredibilique obseruantia, tu-  
te id existimare satis potes, tamen mihi  
affirmanti credas uelim, me non minus  
de ei⁹ ualetudine laborare, quàm ipsum  
de sua Regem uerò si hac molestia libe-  
raueris, magno tibi beneficio in perpe-  
tuum deuinxeris. MATH. Est ita sanè  
ut dicis, vxor: proinde nisi quid fortè  
aliud negotij grauioris te huc adduxit,  
Petre, quādo & res utilissima est, tuāque  
doctrina dignissima, & nos otioſi sum⁹.



DE HUMANAE VITAE

confide si placet, & utrique nostrum in re honestissima morem gere. PET. Mihi quidem nihil gratius aut optabilius posset accidere, quam ut vestris commodis inferuirem, vobisque aliqua in re gratificarer, quibus dignitatem meam omnem salutemque debeo, neque vobis dare quicquam, sed referre, immo à vobis accipere ipse ingens beneficium viderer, cum vobis aliquid quod acceptum esset praestitissim. Praesertim quum & vos hoc magnoperè desiderare intelligam, & ego sim otiosus, atque ad vos, ob hanc ipsam regiae valetudinis causam, salutandos venerim. Sed & res ipsa per se difficillima est, quippe quae adversari sensibus, & naturae quodammodo repugnare videatur, & ego ad eam rem imparatus accessi. Neque vos mea confirmatione indigetis, qui vestra sapientia non modò vestro dolori resistere, sed alios quoque confirmare possitis: tamen ne videar aut vestris precibus obsequi, aut vestro imperio obtemperare noluisse, vobis inuitantibus assidebo libens, quando id & aetas & corpulentia mea postulat, & dicam ea de re ut potero, vestra magis autoritate, quam



doctrina mea fretus. Nam quod mihi tantum tribuitis, quantum ego vix unquam optare, sperare certe nunquam sum ausus, facitis id quidem vos ex abundantia quadam humanitatis vestrae, summaeque erga me beneuolentiae, cui quidem non aliquo saltem, vel tenui officio respondere, turpe admodum mihi atque indignum putarem. Dabo igitur operam, ut me imperitiae potius quam ingratitude, accusare possitis, & quicquid hac de re in memoriam venerit, nescio quam bene, certe breuiter, & ut potero dilucidè explicabo: vos modò animum parumper aduertite, & aures mihi non attentas modò, sed æquas quoque propitiasque præbete, ut siquid aut erratum à me, aut præteritum fuerit, vel emendare, vel in memoriam redigere non grauemini. Nam Græcorum olim propria fuit ista consuetudo, ex tempore de quauis proposita materia differendi: quæ à Gorgia Leontino *Gorgias* primùm inuenta, manauit per Græciam postea latius, nos eam minus frequentauimus. Placet autem mihi hoc maximè tempore, & in hac potissimum questione morem illum seruare disputandi, quem



DE HUMANAE VITAE

- Plato.** Plato & vetus Academia à Socrate acceptum diu tenuit, intermissum verò aliquanto post Arcefilas reuocauit, vt ad vtramque partē disputemus, quo facilius percontando respondendoque ex ipsis vtrunque allatis rationibus veritas elucescat. Præsertim quū & ego mihi nihil arrogem, & vos sapientissimos esse sciam, neque igitur graue vobis erit, si quid interrogati fueritis respondere, neque si quid dubitabitis interrogare. Siquid autem ex iis quæ à me dicentur parum probabitur, liberè id constantèrque refellendi potestas sit. Ego enim vt certum apud vos præsertim nihil asseram, sententiam tantum meam exponam, & affirmandi arrogantiam vitabo, quæ à sapiente dissidet plurimum, vos non expectato fine orationis meæ, vt quicque maximè probabitur, ita primùm concedetis: quæ verò vobis minus probabilia videbuntur, è vestigio refelletis. **M A T H.** Age sanè vt libet, nos tibi vt voles, obsequētes erimus, modò nos hac molestia liberes. **B E A T.** Immo verò hoc malo. Nam molestiæ leuiiores sunt. **P E T.** Quid tu hoc malum vocas Regina? **B E A T.** Quid ni vocem, cum



corpus pariter animūque debilitet? **P E T.**  
 Quā rectē id facias postea viderimus:  
 interea Horatianum illud ambo memen-  
 tote, Durū, sed leuius fit patientia, quid-  
 quid corrigere est nephas. **M A T H.** Ego  
 quidem Terentianum illud magis me-  
 mini: Facile omnes quum valemus, recta  
 consilia ægrotis damus. Tu si hīc sis, ali-  
 ter sentias. **P E T.** Profectō neque ego si  
 istic essem aliter sentirem, neque tu pau-  
 lopōst aliter, vt spero, senties. Illud inte-  
 rim mihi responde quod initio dicebas:  
 Vtrum existimes homini optimum esse,  
 aut non nasci, aut quā celerrimē extin-  
 gui? **M A T H.** Equidem si liberē loqui li-  
 ceret, ita putarem. **P E T.** Cur non liceat?  
**M A T H.** Christiana me autoritas prohi-  
 bet. **P E T.** Vtrum tādē Christianos Theo-  
 logos censes aliqua ratione vt hoc dice-  
 rent esse adductos? an omninō nulla?  
**M A T H.** Aliqua profectō, illis fortasse  
 probabili, alij minus verisimili, mihi cer-  
 tē incognita. **P E T.** Ne igitur de re inco-  
 gnita iudicium feras: poteris enim eam  
 quum audieris, tu quoque fortasse non  
 improbare. Sed de illorum ratione pau-  
 lopōst differemus. Pingamus interea nul-

*Horatius*

*Terentius.*

*And. act.*

*2. scen. I.*

*Nō nasci,  
 aut quā  
 celerrimē  
 extingui,  
 nō utile.*

**B**



DE HUMANAE VITAE

lam esse quæ id suadeat rationem, & libera cogitatione quò volum⁹ peruagemur. Quæro igitur abs te: Primùm si quid velis loqui non liceat, quis te id sentire prohibeat? quum tuam sententiam reprehendere, quia nō proferas, nemo possit, quia Rex sis nemo audeat: deinde si boni viri esse non putas aliter sentire, aliter loqui, neque vis committere vt teipsum potius fallere videare: quæro an ita maximè sentias? M A T H. Equidem quum innumera- biles hominum miseras mecum reputo, ita planè sentire compellor. P E T. Quare obsecro ita sentis? nisi molestum est explica mihi. M A T H. Quasi verò id explicare difficile sit: quia nascimur in pluri- mas, maximas, sempiternasque miseras. P E T. Quas istas? M A T H. Rogas? homo primùm è materia vilissima conceptus, antequam nascatur, decem mensium te- nebris, vinclisque coërcitus, iam tum

*Homo* carcerem pati discit: effusus deinde non  
*quib⁹ mi* sine maximis matris doloribus, humique  
*seris ob-* abiectus, nudus atque inualidus, à lacry-  
*noxius.* mis vitam auspicatur iterum: deinde in  
vincula coniectus, nō fermè ante bima-  
tum sui composefficitur, & sibi quodam-



modo redditur, ac ne tunc quidem potēs  
aut sui satis compos, pueritiam totam in-  
validus atque iners, & linguæ pariter ra-  
tionisq̃ue expers, partim inter mulierum  
manus, partim inter pædagogorum iur-  
gia & plagas agit. Inspice deinde singu-  
las ætates, singula vitæ genera, quàm mul-  
ta, bone Deus, ab omnibus partibus peri-  
cula, molestias, labores, miseriâsque in-  
uenies, quàm sæpè viuentes morimur,  
morientes viuimus, quanta verò in no-  
stris corporibus imbecillitas? Cæteris a-  
nimantibus Natura suum cuique nascenti  
amictum dedit, pastum & latibula sine  
labore, sine cura passim exposuit: soli nos  
nudi, vt modò dicebam geniti, & frigo-  
ris calorîsque impatientes, alieno vela-  
mine operiamur, domos edificemus, vi-  
ctum è terra colendo ferendòque crua-  
mus necesse est. Quæ quidè omnia quan-  
tis laboribus, periculis, incommodisq̃ue  
parentur, nemo est qui ignoret. Age ve-  
rò quàm misera illa sunt, & quàm mole-  
sta quorum causa tantoperè laboramus?  
bis in die cibum capere, indui, exui, cu-  
bare, surgere, lauare, radi, aluum exone-  
rare, spuerè, emungi, & cætera eius ge-



DE HUMANAE VITAE

*Morbi.*

neris, quæ tam molesta quàm quotidiana sunt. Iam verò multa morborum millia quibus humana vita obnoxia est, & innumerabiles nobis ærumnas & miseriaſ afferunt. Nõne cum ipsis penè hominibus morbi nascuntur? eosque per singulas ætates cateruatim prosequuntur.

*Senectus.*

Quid senectus? in qua tanquam fructus laborum quies aliqua expectatur, quàm ægra? quàm imbecilla? quàm effœta? quàm difficilis? quàm omnium incommodorum, omnium morborum miseriarumque plena? quàm omnibus malis circumfusa?

*Mors.*

Quis porrò dolor in morte? Quis horror? Quis metus eius? quàm tristis eius cogitatio? quàm formidolosa, quàm molesta expectatio? quàm terribilis, quàm sævus aduentus? Ita ut eam Aristoteles Philosophorum (ut vos existimatis) princeps, ultimum terribilium appellare non dubitet. Quàm multa verò eius genera? ita ut omnibus tibi locis temporibusque insperata atque improuisa accurrat. At est post mortem quies aliqua finisque miseriaſ. Omitto quàm multi Philosophi animas cum corporibus interire, atque omnia morte doleri existimauerint. Q-



mitto quàm multi aut vagas incertàsque  
ferri, aut in omnium passim animantium  
corpora, sine fine migrare affirmauerint.  
Quæ si vera essent, nostras maiorem in  
modum misérias auerent. Sed animas  
immortales esse, & ad infinitam illam æ-  
ternàmque beatitudinem, quam omnes  
optam<sup>9</sup>, aspirare, & credo & fateor. Quo-  
ta obsecro illarũ pars est, quæ illuc queat  
peruenire? Nõne etiã Saluator ille no-  
ster, & vnicus nostri nominis autor  
CHRISTVS, in Euangelio, multos qui-  
dem vocatos, paucos verò electos esse te-  
statur? Quid cæteræ quàm innumerabi-  
les sunt, nõne in æternas apud inferos  
pœnas relegantur? At faciliè credo est il-  
las declinare. Immò ita difficile, vt vix  
id quisquam assequi possit: tam multis e-  
nim vitiis, tam multis voluptatibus cir-  
cumfusi, tam multis denique sensuum &  
cupidinum laqueis impliciti atque irre-  
titi sumus, vt eos euadere aut nemo, aut  
quàm paucissimi queant. Quæ quum ita  
sint, cur hæc magnoperè sit optanda vita  
nõ video. Thraces quidem, & aliæ ex his *Thraces.*  
quas vos Barbaras appellatis, nationes  
permultæ, nascentes luctu & lacrymis,



DE HUMANAE VITAE

*Barbarus  
quis.*

morientes contrà risu & cantibus prosequébàtur: rati alteros in sempiternas misérias deuenire, alteros à miseriis sempiternis discedere. Qua quidem in re, videntur illi mihi & Græcis, & Romanis sapientiores extitisse. Sed tu fortasse me, utpote Barbarum, illorum mores probare existimas. **P E T.** Apagesis optime Rex quasi verò natio, non mores Barbarum faciant, aut (si gentis nomen desideratur) tu non multò plus Romanæ illius nobilitatis habeas, qui Coruina vetustissima nobilissimâq; familia sis oriundus, quàm illi qui Romæ hodie nobilissimi appellantur, qui à Gothorum, aut Longobardorum, aut Germanorum reliquiis, originem ducunt. Sed missa hæc obsecro faciamus, tu verò perge si placet, tuâ istam sententiam (siquid adhuc superest) explicare. **M A T H.** Hæ igitur atque aliæ innumerabiles causæ, (nam omnes quidem persequi infinitum esset) me in hanc potissimum sententiam adduxerunt. Nam si neque nascentes, neque dum viuimus, neq; postquàm excessimus è vita, vacare perpetuis malis ac miseriis possumus, quid tandem est, cur vel in eam venire,



vel in ea diutius esse velle magnoperè  
debeamus? Nōne eorum longè melior  
est conditio, qui hæc mala vel nunquam  
senserunt, vel quàm ocysimè finire po-  
tuerūt? Esset igitur homini, mea quidem  
sententia, optimum non nasci, aut (si id  
fieri non potest) in hac vita quàm brevis-  
simè commorari. Hæc, tua interrogatio-  
ne incitatus dixi breuiter, magis ut au-  
direm contrà grauitèr copiosèque dispu-  
tantem, quàm quòd ego ita sentiendum  
esse crederem. Nam non solū quia Chri-  
stianus sum cupio in tuam sententiā tra-  
duci, sed etiam quia homo sum, qua con-  
ditione nullam esse meliorem, mihi abs-  
te persuaderi gratissimum est: credo itē,  
uxori, quæ præter cæteras mulieres pie-  
tati ac religioni studet, non iniucundum  
fore. **B E A T.** Mihi verò Rex, quanquam  
verisimillimavisa est oratio tua, gratissi-  
mum tamen erit, Petrum contrà differen-  
tem audire, vt collatis vtriusque vestrūm  
rationibus, quid sentiendum sit, facilius  
& clarius elucescat. Proinde nos, Petre, si  
potes, è tātis miseriis, tua sapiētia atq; elo-  
quētia libera. **P E T R.** Dici nō potest, Rex,  
quàm sim tua oratione delectatus, non



DE HUMANAE VITAE

Mortali-  
satis no-  
strae con-  
templatio-  
nem plu-  
rimū ad  
bene vi-  
uendum  
conferre.

Sensus de  
suo gradu  
deturba-  
re diffici-  
le.

modò quia sunt abs te permulta de no-  
strae naturae fragilitate, grauiter copio-  
seque tractata, sed quia sunt etiam latine  
elegantérque dicta: reuocasti autem me  
maiores in modum, ad nostrae mortali-  
tatis contemplationem. Quam quidem  
si nobis ante oculos saepenumero propo-  
neremus, profectò non in tantam vesa-  
niam atque insolentiam raperemur, non  
in tam multos ac tam manifestos errores  
& vitia quotidie dilaberemur, non tan-  
tum auaritiae, ambitioni, libidini, cæteris-  
que perniciosissimis cupiditatibus incū-  
beremus. Neque verò facile est ita veri-  
similes, & ita naturae consentaneas ratio-  
nes, confutare, praesertim quum tam aptè  
dispositae abs te, & collocatae fuerint, vt lo-  
co dimoueri uix queant. Est enim mihi  
omnis ferè oratio contra sensus suscipi-  
enda, quibus quidem contraria eorum  
quae ipsi iudicant persuadere, eosque de  
opinionem depellere, & de suo quasi gra-  
du deturbare difficile admodum, & labo-  
riosum est. Tamen ut tuae morem geram  
voluntati, qui me in hoc certamen com-  
pulisti, neque uidear primo impetu cede-  
re simul, ut incoerentem animum tuum a-



liqua cōsolatione permulceam, experiar quid contra tuam istam rationem dici possit. Neque (ut uel Stoici ueteres faciebant, uel penè omnes nostri tēporis Philosophi ac Theologi faciunt) te arctissimis illis Dialecticorum laqueis, angustisq̃ue concludam. Circularium enim (ut ita dicam) est ista ratio Philosophorum, & de dignitate non de ueritate certantium: sed uetere illo atque oratorio more si placet tecum agam: sināmque ut latius quocumque uidebitur, pro sua consuetudine euagetur oratio, neque uerò omnia quæ dici solent à nostris, tanquam scholam aliquam recitaturus, confectabor: non enim ut Philosophus aut Theologus huc accessi, sed ea potissimū tibi in memoriam redigam, quæ ad te consolandum maximè accommodata esse existimabo. Quam quidem ad rem illud me magnopere adiuuabit, quod tu postremo loco dixisti, te non inuitum in nostram sententiam esse uenturum. Nam & ego aduersus obstinatos animos, proficere mea oratione nihil possem, & tu quum Christianæ ueritatis inuictus propugnator semper fueris, tibi ipsi repugnare, &



DE HUMANAE VITAE

contrarius esse uidereris. **MATH.** Non  
erimus in nostra sententia pertinaces, sed  
tibi & libenter & facile assentiemur, tu  
modò & ea dicas quæ leuare aliqua sal-  
tem ex parte dolorem nostrum queant,  
& isto potissimum quo pollicitus es mo-  
do dicas. **PET.** Ita faciam. Primum igitur  
hoc mihi responde, putasne omnibus qui  
unquam uixerunt hominibus, æquè utile  
futurum fuisse, non nasci? **MATH.** Ego  
quidem sic puto. **PET.** Quid? illos quos  
nos diuinis honoribus consecratos, æter-  
nam beatitudinē adeptos esse credimus,  
& usitato uocabulo Sanctos appellamus,  
censen' tu beatos esse? **MATH.** Quid ni  
censeam. **PET.** Eos ne igitur tu, sui ortus  
aut uitæ putas poenitere? **MATH.** Mini-  
mè uerò. **PET.** Vtrum tandem illis uti-  
lius putas futurum fuisse, in has quas tu  
miserias appellas non uenisse, an ita ue-  
nisse, atque ita uixisse, ut summam sint  
beatitudinem consecuti? **MATH.** Ne me  
adeò stultum aut imperitum putes, quā-  
uis sim apud Istrum, non apud Tybrim  
educatus, ut de isto audeam dubitare.  
**PET.** Vides igitur, non omnibus æquè  
conducere, in hanc lucem non uenire.

*Nō nasci,  
num om-  
nibus æ-  
què utile*

*Sancti.*



CONDITIO. 14

**MATH.** Istos uerò, ego quidem semper existimaui fœlicissimos, & extra humanarum miseriarum omnium sortem positos. Sed omittamus illos, quos non immeritò & deos & sanctos appellamus, de hominibus ac nostri similibus disputemus. **PETR.** Quasi uerò illi, homines & nostri similes non fuerint. **MATH.** Fuerunt quidem, sed à Deo multò antè in hanc fortunam delecti, & (ut uos loqui soletis) prædestinati. **PETR.** An illos solos delectos, cæteros, qui tot iam sæculis nati atque in posterum nascituri sunt, contemptos à Deo, & abiectos esse censes? Quis hoc obsecro Rex aut etiam Tyrannus, inter homines faceret, ut paucos admodum sibi subditos tueretur ac regeret, cæteros omnino despiceret ac pro nihilo putaret? Quis obsecro paterfamilias liberorum alios hæredes institueret, alios sine causa domo eiiceret, atque abdicaret? Nullus est adeò negligens aut malignus pastor, qui ouium alias pastum ducat, alias domi atque in ouili ieiunas remanere patiatur. Iam uerò quæ tam sœua, tam immanis fera est, quæ non omnes catullos eodem modo foueat, amet, ac nutriet?

*Rex, siue tyrannus*

*Paterfa.*

*Pastor.*

*Fera.*



**Deus.**

DE HUMANAE VITAE

Deumne, obsecro, aut pessimo tyranno, aut iniquissimo patre, aut pastore inertissimo, aut saevissima fera iniustiore, aut saeviore, possumus existimare? qui homines, qui ei multo magis quam parentibus liberi, aut quam ipsi sibi chari sunt, desertos ab se, postquam creati sunt, & quasi perditos esse patitur. Fieri mihi credite nullo pacto potest, nulla hoc ratio persuadet, nulla pietas, nulla humanitas patitur. Quod si hoc minimè consentaneum est, immò ita à diuina natura alienum, ut incredibile prorsus, & impossibile sit, ab Deo alios diligere ac foveri, alios contemni ac deserere: nonne tu quoque potes, ad eandem quam illi sunt consecuti beatitudinem peruenire, eodemque modo immortalis, immò etià Deus effici? Quid obsecro tribuit illis Deus, quod idem tu quoque assequi non possis? Nonne illi mortali semine concepti, eodè quo tu modo nati, & educati sunt? Nonne eundem quem tu & ceteri homines vitæ cursum tenuerunt? Nonne easdem quas tu summas miseras vocas, immò etiam (si verum fateri volumus) multò maiores grauiorèsq; pertule-



runt? Plerique enim illorum, aut in altif-  
simas se solitudines ultro abdentes, asper-  
rimo quodam, atque incredibili uitæ ge-  
nere, se ipsos diutissimè excruciauerunt,  
aut hostibus Christiani nominis, se ex-  
cruciandos, uariis atque exquisitis tor-  
mentis obiecere. M A T H. At illis inuictā  
quandam patientiam & constantiam  
Deus ipse suppeditauit. P E T. Tibi uerò  
cur non eandem, aut etiam maiorem, pos-  
sit idem Deus suppeditare? Nonne idem  
qui semper fuit est Deus? Nonne tanti te  
quanti illos facit, aut etiam pluris? Facit  
te certè, quum Rex sis, & cæteris homi- Rex.  
nibus præsis, multo pluris. Cor enim Re-  
gis in manu Dei esse dicitur, & ipse Re-  
ges haud dubiè Christos suos appellat.  
Saulem certè & Dauid primos Hebræo-  
rum Reges, ipse à pastoritia ad regnum  
transtulit. Quòd si hoc illis priuatis at-  
que obscuris hominibus contulit ut re-  
gnarent, tu te Regem & multos iam an-  
nos iustissimè regnantem, ab eo serua-  
tum atque adiutum ita non putas? Nam  
igitur illos censes qui è pastoribus Re-  
ges effecti sunt, & res domi foris que cla-  
rissimas gesserunt, sui unquam ortus aut



DE HUMANAE VITAE

uitae poenituisse? Sed Hebraei tibi quasi à Deo delecti nō placēt, illos tibi puto cōmemorari magis cupis, qui à Deo delecti fuisse non videntur, quos vulgus Gentiles Paganosque appellat. Quē eorum censes, qui clari aliqua de causa extiterunt, se non natum esse maluisse, immō quem non putas, uitam sibi, si potuisset, in immensum prorogare spatium uoluisse? Vis incipiam à Tanao antiquissimo Scytharum rege? à quibus hāc tua Hunnorum natio ducit originem: nōne is quum Asiam omnem armis ad Aegyptū usque subegisset (quod nemini ante illū contigerat) uitam, quam breuissimam esse cognouerat, rebus egregiē gestis extendere, & gloria sui nominis quam longissimam efficere cogitabat? An is tibi videtur, etiam si potuisset, maluisse esse non natus, quā per illas quas tu paulō antē memorabas miseras, eam quam est adeptus gloriam sibi comparasse? Quid Ninus Assyriorum rex? qui magnam Asiae partem in ditionē redegit. Atque ut barbaros omittamus quid Philippus, quid Alexander Macedonum Reges? quorum alter Græciam, alter Asiam usque ad In-

Tanaus.

Ninus.

Philippus.

Alexander.



dicum Oceanum suo subiecit imperio.  
 Quid Themistocles, Quid Leonidas, quid Themistocles.  
 Epaminondas, Quid ceteri Atheniensium, Lacedæmoniorum, Thebanorum, & totius Græciæ Principes, qui maximam sibi bello & armis gloriam comparauere? Ortumne aut uitam sibi inutilem, aut iniucundam existimasse credendi sunt? Nōne omnes ita uixerunt, ut non modo se uiuere lætarentur, uerumetiam ut quàm diutissimè etiam post mortem eorum nomen, & gloria uiueret, summos labores & pericula pertulerunt? Alexander quidem qui propter res gestas Magnus est appellatus, se non solum natum esse gloriatus est, sed Ioue quoque natum esse uoluit existimari. Quid dicam de nostris? Quorum egregiis rebus gestis, & Græcorum & nostrorum historiæ, plenissimæ sunt. Quæ uis Romulum ad con-  
 dendam urbem, & finitimos armis debellandos compulit? nōne ingens quædam atque insatiabilis gloriæ uitæque cupiditas? Nōne se & Marte genitum, & ad Deos translatum, ab omnibus credi uoluit? Quod si sui eum natalis poenituisset, deum suæ originis autorem non se-



DE HUMANAE VITAE

*C. Caesar.* cisset. C. quidem Caesar quum Iuliam a-  
 mitam defunctam pro Rostris laudaret:  
 Amitæ meæ Iuliæ, inquit, maternum ge-  
 nus à Regibus ortum, paternum cū Diis  
 immortalibus coniunctum est. Ab Anco  
 enim Martio Martij sunt Reges, quo no-  
 mine fuit mater: à Venere Iulij, cuius fa-  
 milia est nostra. Videte quàm longè Cæ-  
 sar sui generis initia repetat. Quòd nisi  
 se & ortū esse, & ab illis potissimum or-  
 tum esse iuaret, suæ nobilitatis princi-  
 pia, tam studiosè non consecraretur. At-  
 que hic quidem quantas res domi, mili-  
 tiæque gesserit non dico (nulla est enim  
 orbis pars quam non illius fama comple-  
 uerit) illud dico, cum nisi gloriam atque  
 immortalitatem sibi propositam habuif-  
 set, nunquam tam diuersas prouincias  
 peragraturum, tot labores, tot pericula,  
 terra marique subiturum, tot sui nomi-  
 nis egregia monumēta posteris relictu-  
 rum fuisse. Quid eius successor Augu-  
*Augustus* stus? Cur illum & vt parentem coluit, &  
 diuinis honorib' cōsecrauit, nisi se quo-  
 que ab eo natū esse lataretur? Quid por-  
 tō aliud eius res gestæ, eius uita uniuersa  
 (quæ ut inter homines longissima fuit)  
 quàm



quàm gloriam immortalitatemque ques-  
 fuit? Quòd si eum tam diuturnæ vitæ  
 pertæsum esset, non tam multis rebus ge-  
 stis, tam multis tamque egregiis omnis  
 generis monumentis, eam sibi proroga-  
 re atque extendere studuisset. Atque hi  
 quidem cum imperio potirentur, bello  
 & armis se claros immortalésque reddi-  
 dere. Quid priuati homines, qui uel litte-  
 ris, uel pictura, uel sculptura, uel edificiis  
 uel aliis denique omnis generis monu-  
 mentis, sempiternam sunt laudem & glo-  
 riam consecuti, qui quidem innumera-  
 biles exitere, quam obsecro mentem a-  
 liam habuere? qua de causa tãto perẽ la-  
 borauere? nisi ut quando uita hæc qua  
 fruimur breuissima est, eam memoria  
 sui quàm maximè longam efficerent. Pu-  
 tatisne igitur eos, si se natos esse nollent,  
 tam multis magnisque laboribus ac ui-  
 giliis, obnoxios esse uoluisse? Nõ est pro-  
 fectò credibile, prudentissimos homines,  
 & longè futura prospicientes, commis-  
 se, ut incassum tot labores incommoda-  
 que susciperet, tam magnam operam at-  
 que industriam perderent. Neque uerò  
 mulieres in hac re uiris usquàm cessere.



DE HVMANAE VITAE

(ne sui me sexus Regina oblitum putet.)

- Sara,* Nam (vt Saram, Rebeccā, Annam, Iudi-  
*Rebecca* tham, & cæteras Hebræas mulieres omit-  
*etc.* tamus, quas quidem nunc quoque beatif-  
 fimas esse nemo dubitat) quid fortissima  
*Tomiris.* illa Tomiris Scytharum Regina, quæ ui-  
 ctorem Asiæ Cyrum cum ingenti exerci-  
*Semira-* tu cæcidit? Quid Semiramis Assyriorum  
*mis.* item Regina, quæ Babylonem condidit,  
 Asiæ uictrix, in Indiam usque processit?  
 Quid Hippolyte, quid Pentefilea Ama-  
 zonum Regina? Quid Amazones ipsæ  
 uniuersæ? quæ magnam olim Asiæ par-  
 tem imperio tenuerunt, quo animo, qua  
 spe, res tantas gessere? nisi ut cum ex hac  
 breuissima uita decessissent, etiam apud  
 posteros diutissimè uiueret. Quod si in-  
 utilem aut molestam, hanc nascendi ui-  
 uendique conditionem existimassent,  
 nūquam profectò, ut tam diu etiam post  
 mortem uiuerent, tantoperè laborassent.
- Camilla.* Quid apud nos Camilla, quæ Amazonū  
 gloriā bellicis studiis æmulata est? Quid  
*Clælia.* Clælia, quæ cum uiris animi magnitu-  
 dine & uirtute certauit? Quid illæ quæ o-  
 ptimarum artium, liberaliumque disci-  
 plinarum studiis, suum ad posteros no-



men propagauerūt? ut apud Græcos Sappho, apud Romanos Cornelia, Hortensia, aliæque permultæ, quas tu non æmulari modò, Regina, sed superare etiã uoluisti. Nõne omnes & natalem, & uitam uniuersam quibus potuerunt modis illustrare, & prorogare conatæ sunt? Quòd si aut nasci aut uiuere miserum inutileque putassent, eam, quam acceperant, uitam, non tantis uirtutibus, tãtis laboribus, diuturnam atque immortalem reddere studuissent. Sed nescio quo pacto uetustiora hæc, & ab ætatis nostræ memoria remota, minus mouent: uidentur enim partim falsa, partim incredibilia. Quid igitur in illis diutius immoramur? quum habeamus ante oculos quamplurima non solùm uera, uerumetiam domestica exempla. Quæ cùm quia clarissima sunt, tum uerò quia uestra, nulla ex parte refellere aut improbare possitis. Atque ut superiores illos Carolũ cognomine Magnum, Federicum Barbarussam, Robertum Campaniæ Regem, aliòsq; permultos, non longè ab ætate nostra remotos, prætereamus, qui maximis rebus gestis, eam famam assecuti sunt, ut nũquam ex

*Domestica exempla*



DE HUMANAE VITAE

hominum memoria possint aboleri, cui  
obsecro ueterum Imperatorū cedit Sfor-  
*Francisc<sup>9</sup>* tia ille Franciscus? qui maioribus non sa-  
*Sfortia.* nē clarissimis ortus, acceptam à patre no-  
bilitatem bellicis artibus ita auxit, ita il-  
lustrauit, ut posteris suis non modò sum-  
mæ nobilitatis principium, sed magnum  
quoque imperium ab se partum relique-  
*Federicus* rit. Cui Urbinas ille Federicus cedit? uir  
*Urbinas.* & ipse haud sanē illustri loco natus, qui  
quidem bellicas artes imperatoriāsque  
uirtutes, ita unus omnes cumulātē com-  
plexus esse, ita exactē absolutēque tenuis-  
se mihi uidetur, ut nihil in eo quod ad  
summum Ducem pertineret desiderari  
*Alphonsus.* posset. Iam uerò Alphonsus, auus tuus  
Regina, quem non ueterum Regum at-  
que Imperatorum omnium, suis maxi-  
mis rebus gestis ac uirtutibus prouoca-  
uit? qui quum magnā Hispaniæ partem,  
Baleares præterea insulas, itē Sardiniam  
& Siciliam obtineret, in Italiam classe  
aduectus, non modò Neapolitanum re-  
gnum, quod maximum atque opulentis-  
simum est, sed magnam quoque Italiæ  
partem suo adiecit imperio, rebûsque cō-  
positis usque ad extremam senectutem,



summa cū pace ac tranquillitate regna-  
uit. Ferdinandus uerò pater tuus quem *Ferdinan-*  
habet cui conferri iam possit? qui Regnū *us.*  
sibi à patre relictum, toties iam à Da-  
cis, Turcis, & (quod pessimum hostium  
genus est) à suis subditis atque optimati-  
bus, per defectionem expetitum, incredi-  
bili sapientia ac celeritate liberauit. Cui  
quidem fuit non tam cum hostibus bel-  
lo & armis, quā cum suis perfidia & pro-  
ditione dimicandum: ita tamen & exter-  
nos & domesticos hostes omnes cū sua,  
tum Alphonsi fratris tui uirtute supera-  
uit, ut & gloriam sibi immortalem com-  
parauerit, & suis Regnum in perpetuum  
cōfirmauerit. Quid ille quem modò me-  
morauī Alphōsus frater tuus? nōne eam  
suis rebus gestis, militariq̃ue disciplina  
gloriam atque auctoritatem est adeptus,  
ut in Italia hodie (quod omnium pace  
dictum uelim) maximus, uel unicus Im-  
perator habeatur. Neque Federicus fra-  
ter ab eo longè abest, ut facile appareat  
eum à fratre, ut in natali, ita etiam in uir-  
tutibus, locum proximum occupasse. Io-  
annes uerò & Franciscus mihi magis la-  
chrymis quā uerbis prosequendi sunt,



DE HUMANAE VITAE

quos nescio tibi ne magis gratuler quod habueris, an doleam quod amiseris. Ipse certe quoties mihi eorum uenit in mentem, tanto dolore afficior, ut de iis neque loqui possim, neque uelim meminisse. Tanta enim erat in altero doctrina, grauitas, modestia, in altero animi magnitudo, rei militaris peritia, morum suauitas, ut uterque in suo ordine singularis ac princeps non in posterum fore, sed iam tunc esse uideretur. Quid, obsecro, uidentur uobis hi omnes dum uiuerent cogitasse, aut hodie quoque qui uiuunt cogitare? quod tota mente & cogitatione percedere? quod suas omnes actiones tanquam ad signum aliquod metamque dirigere? nonne ad uitam uirtutibus, & recte factis quam maximè propagandam, & eam, quam omnes optare atque appetere debent, immortalitatem quoquomodo consequendam? Sed ut tuos quoque Rex in hac sententia uideas planè fuisse, quæ uis obsecro Michaëlem auunculum tuum, singulari fide, & pietate uirum, compulit, ut post Ladislai Regis mortem, ingenti exercitu matris tuæ consilio atque opera comparato, Pestum ad rerum statum

*Pestum.*



ut aiebat componendum, re autem uera ad te ex hostium manibus liberandum ueniret, omnesque ut te Regem crearent, pro concione hortaretur? Nonne incredibilis in te charitas, & pietas penè diuina, cuius quidē nisi maximum post mortem ab Deo præmium, hoc est immortalitatem, & beatitudinem expectasset, non erat cur uellet, aut te cum suo tanto periculo liberare, aut tibi potius quàm sibi regnum asserere, præsertim quū id haud magno negotio, tum propter eum quem habebat exercitum, tū propter summam erga se optimatum beneuolentiam obtinere posse uideretur. Quæ uis compulit Ioannem patrem tuum, ducem omnium sæculorum omnisque memoriæ peritissimum, ut tantum Regnum cum unus ipse administraret, unus obtineret, & Ladislao admodum puero, tot annis summa cum fide atque integritate seruaret, & ei suo tempore, Federico etiam Imperatore, apud quem adolescens tunc asseruabatur, repugnante, eadem fide & pietate restitueret, præsertim quum posset ipse id facillimè retinere? Quæ uis eum cum sæpè aliàs in Turcas bellicosissimam gē-



DE HUMANAE VITAE

*Belgrad*

rem, Christianoque nomini inimicissimam, cum summo capitis discrimine exercitum ducere, & cum illis acie dimicare coëgit, tum uerò cum, capto ab illis magna iam ex parte Taurino, siue Belgrado, munitissimo & celeberrimo Mœsiae oppido, ipse Sauo amne traiecto, & oppidum mira celeritate recuperauit, & hostes omnibus impedimētis castrisque exutos, tanta clade affecit, tanto terrore consternauit, ut si sequutus uictoriam esset, breui delere vniuersam Turcarum gentem potuisset. Nōne inaudita quædam uirtus, & diuina erga Christianum nomen pietas, eum toties in eius nominis hostes armauit? quòd nisi hanc esse ad beatitudinem & optimam & certissimam uiam credidisset, nisi hanc mortalium conditionem, quam tu tam miseram uocas, magnoperè probasset, profectò se tot laborib⁹, tot periculis pro Christiani nominis incolumitate, nunquam exposuisset. Age uerò quid mulieres nostræ senserint uideamus. Propone tibi

*Elisabeth*

Rex, obsecro, ante oculos Elisabeth matris tuæ prudētiam, seueritatem, constantiam, animi magnitudinem. Propone ti-



bi ingenium, consilium, iudicium, actiones omnes, quid in ea non reperies omnino modò laude, uerumetiam admiratione & ueneratione dignissimum? Qua prouidentia non modò domum, sed magna ex parte etiam Regnum, uiro absente, & externis bellis implicito, administravit? Qua patientia Ladislai, alterius filij fratris tui necem tolerauit? qua denique sapientia te è uinculis ad Regnum traduxit? Cēsen tu illam, quum hæc ageret, aut suæ aut tuæ uitæ pœnituisse, ac nō te Rege se quoque beatissimam iudicasse? Quid Isabella mater tua (ut ad te redeam Regina) quid Hippolyta fratris tui uxor? cū ambæ se nobilissima stirpe genitas cernerent, ambæ Regibus, altera præfenti, altera successuro esēt in matrimonium collocatæ, ambæ florentissimū Regnum, sobolem pulcherrimam essent fortitæ, genitæne se in ullas miseras, an in perpetuam fœlicitatem existimare potuerunt? Sed omittamus cæteras omnes, ad vos ipsos tādē veniamus: quis enim uobis ipsis in uestra causa testis aut locupletior, aut probatior inueniri queat? Tu enim, Regina (ut de te prius dicam)

*Isabella.*



*Beatricis  
Reginae  
laus.*

DE HUMANAE VITAE

iis parentibus nata es, qui nobilitate, uirtutibus, rebus gestis, omnes non Italiae modò, sed Hispaniae quoque principes, longè antecellāt. In ea uerò regione nata es, quæ cœli clementia, uertate soli, amœnitate locorum, ædificiorū pulchritudine, abundantia rerum omnium, ceteras Italiae, atque ad cò totius terrarum orbis prouincias, non meo tantum, sed ueterum quoque omnium testimonio atq; iudicio, semper superauerit. Iis porrò fratribus adornata es, qui uel bellicis artibus, uel studiis litterarum, uel dignitate, uel uirtutibus, faciliè ceteris omnibus sui ordinis præstent. Ei uerò Regi collocata es (vereor ne ob eius præsentiam inconsideratius loqui uidear, sed uerissimè dicam) qui omnes nostri temporis Reges ac Principes, immò etiam magna ex parte ueteres, tum gloria rerum gestarum, tum animi atque ingenij magnitudine, tum uirtutum optimarūq; artium studio & cognitione, longè antecedit. Tu uerò præstanti animo, perspicaci ingenio, facundia incredibili prædita, ita semper uixisti, ut pudicitia, pietate, cōtinētia, modestia ceteras mulieres, liberalitate



uerò, animi magnitudine, liberalium disciplinarum studio, ceteros etiam uiros prouocaueris. Tu opes copiasque omnes quæ non ad usum modò, sed ad ornamentum quoque humanæ uitæ excogitari possunt, ita affatim abundeque fortita es, ut nulla usquam Regina, uel plura, uel meliora omnis generis, preciosioraque sit ornamenta consecuta. Quid, obsecro, amplius ab homine desiderari, quid ad hanc felicitàtem addi potest? Potest ne quisquā ita constitutus, se ulla ex parte miserum appellare? Tu uerò, Rex (ut ad te tandem ueniamus) quid habes quod possis fortunam hoc nomine accusare? Tu enim optimis, ac nobilissimis ortus parentibus, Regnum quod tui antea maiores non habuerant, tibi uirtute duce, comite fortuna comparasti. Quale uerò Regnum? tenue, credo, aut exiguum? immò uerò si latitudinem quæras, spaciosissimum, utpote quod amplius octingentis quoquouersus passuum millibus pateat. Si opes desideres, auri, argenti, æris, cæterorumq; metallorum feracissimum: si soli qualitatem inspicias, ad omnia ferenda accommodatissimum: si aquarum

*Mathias  
Regis  
laus.*



DE HUMANAE VITAE

copiam opportunitatēq; cōsideres, plurimis & maximis annibus irriguum, utpote quod Istro fluminū omnium maximo, Nilo tātū excepto, permeetur: si incolas expendas ab antiquissimis & bellicossimis nationibus habitatū. Tu præterea res eas aduersus Turcas, Germanos Dacos, cæterosque finitimos populos gessisti, quæ & maximam tibi apud omnes gentes auctoritatem comparauerint, & uniuersum terrarum orbem, tui nominis magnitudine gloriāq; compleuerint. Eo uerò animo præditus es, ut nulla te fortuna nimium uel secūda extulerit, uel aduersa deiecerit, eo ingenij ac iudicij acumine, ut nihil omnino sit quod tu uel nō optimè intelligas, uel non perspicacissimè subtilissimēq; discernas, ea memoriæ tenacitate, ut nihil quod tu semel audieris te unquā effugiat. Age uerò quæ tibi Mathematicarum disciplinarum, quæ cæterarum optimarum artium scientia? ut si quis eam consideret, te rebus gerendis operam dedisse non credat: si quis contrà rerum abs te gestarum magnitudinem reputet, ab illis te adduci ad hæc studia potuisse non putet. Quantis uerò opibus



affluas, quibus ædificiis, qua gēmarum, librorum, uestium, cæterarúmque præciosissimarum rerum supellectile ornatus sis, non attinet dicere: quàm uerò rebus his omnibus ad liberalitatem munificentiamque utâre, quàm benignè amicos cæterosque qui tibi aliquid mereri uidetur impartias, mirum omnino & incredibile dictu est. Quibus uerò amicis atque optimatibus, quanto uirorum splendore, quanta grauitate, quanta doctrina circumfusus es? Atque huius quidem fortunæ tuæ testes amplissimos habes omnium Regum gentiúmque Oratores, qui ad te quotidie salutandum undique venerandúmque veniunt. Huc accessit postremò concordia abs te cum Maximiliano Romanorum Rege & Federico eius patre Christianæ Reipublicæ Imperatore sapientissimè inita, qua tu & Regnum tuum præsidiis maximis ac firmissimis in perpetuum communiti, & te aduersus hostes omnes maximis uiribus, auxiliisq̃ue fidelissimis præparasti. Quid, obsecro, maius ab immortali Deo, quid melius aut sperari aut optari potest? Quæ fœlicitas est aut unquam



DE HUMANAE VITAE

*Nascendi  
uiuendiq;  
conditio.*

fuit cum ista foelicitate comparanda? Et potes in tanto dignitatis, fortunæ, rerumque omnium culmine collocatus, te ad miserias natum dicere? quis, obsecro, foelix unquam aut fuit aut erit, si tu te miserum audes appellare? Videtis ne ambo, etiam si cæteri homines miseri sunt, uos tamen esse foelicissimos? At nudi, inquis, flentésque nascimur, alieno velamine operimur, terram colimus, domos ædificamus, corpori inseruimus, morbis, cupiditatibus, morti denique ipsi obnoxij sumus, post mortem ad inferos in æterna supplicia rapimur. Videte, quæso, ne ista potius sint in Deum iniusta iurgia, quam iustæ miseriarum quærelæ: immò (ut maius aliquid & fortasse incredibilius dicam) uidete ne ista potius foelicitatis quam miseriarum, tum signa, tum instrumenta sint. Nam si uel diuinæ in nos beneficentiæ munera, uel causas nostri oris, uel nostræ naturæ qualitatem consideremus, profectò non hanc nascendi uiuendique conditionem, hoc est ipsius Dei legem atque institutum arguemus (nam quum hæc arguimus Deum ipsum qui hæc ita comparauit arguimus) sed



nostram tum ingratitudinem, tum igno-  
 rantiam, tum etiam nequitiam, atque in-  
 continentiam accusabimus. Nam ut ve-  
 terem illa Philosophorum deliramenta  
 omittamus, quorum alij mundos innu-  
 merabiles, alij unum, atque æternum esse  
 existimabant. Item, ut uniuersam illam  
 Epicuri de natura Deorum sententiam  
 reiiciamus, quæ iam pridem à ueteribus  
 Stoicis cōfutata est: nōne uos & Mun- *Mundus.*  
 dum, & Deum unum, quorum alter & *Deus.*  
 factus quandoque sit, & quandoque pe-  
 riturus, alter neque genitus unquam, ne-  
 que unquā interiturus sit, esse planè fa-  
 temini? MATH. Fatemur planè, neque  
 enim nos ij sumus, qui aut Democrito,  
 aut Epicuro, aut dissidentium inter se  
 Philosophorum turbæ assentiamur. Cū  
 & Plato, & eo longè antiquior Trisme- *Plato.*  
 gistus, & Deum unum, atque æternum *Trismegis-*  
 esse: & ab eo factum mundum, atque hāc *stus.*  
 rerum naturam uniuersam productam  
 esse fateatur. PET. Satis habeo. Nam  
 cū Deum unum esse cōceditis, & æter- *Deum v-*  
 num, & immensum, & omnipotentem, *num esse,*  
 & sapientem, & iustum, & pium, immò *quid.*  
 omnis sapientiæ, iustitiæ, pietatisque pa-



DE HVMANAE VITAE

rentem atque autorem esse, concedatis. *Mundum à Deo factum esse hominis causa.* necesse est. MATH. Ita est. PET. Item: quum factum ab eo mundum fateamini, aliqua de causa factum esse fateamini oportus est. MATH. neque istud negare aliquo modo possumus. PET. Cuius porro nisi hominis causa factum esse potestis suspicari? nisi fortè Deum sibi domum per quam deambulet, & in qua oblectaretur, ædificasse vultis credere. MATH. Istud quidè delirare esset omnino. Nam neque contineri loco Deum, neque harum rerum aspectu aut fruitione delectari credimus. PET. Rectè sentitis. Quid verò mundum? factumne hominum gratia esse creditis? MATH. Credimus quidem, sed qua de causa Deus & hominem ipsum produxerit, & hanc tantam molem hominis gratia fabricatus sit, id abs re nobis uolumus, & quidem latius propria consuetudine & uberius explicari. Nam quum ita nos interrogationibus tuis concludis, trahis magis nos rationum uinculis in tuam sententiam, quàm ducis: & cogis potius nos id quod uis fieri, quàm persuades. Sed oratio perpetua nescio quo pacto nos magis mouet, &



& paulatim nos quò vult quasi manu ducit. Hac igitur si placet vtere, & totam istam de mundi & hominis creatione ratione, nobis si placet, latius explica. Nos siquid dubitabimus, abs te quæremus.

P E T. Ita obsecro faciatis. Ego quoque vobis quantum potero morem geram. Quamquam autem diuinæ mentis arcana indagare, & impossibile, & stultum est, quoniamque tamen nos aut ratio, aut coniectura ducet, hoc est quousque nos Deus ipse permittet, progrediemur: cætera neque vos quærere debebitis, neque ego potero aperire. M A T H. Minimè verò ea

quærenda esse censebimus, sed ubi tu potissimum iusseris cõsistemus. P E T. Deus igitur cum esset summa bonitas, summa beatitudo, summa potentia, summa sapientia, summa charitas, & non posset nihil agere, suisque præclaris operibus ut optimus artifex delectaretur, socium sibi & participem horum bonorum, hominem, sui, quantum natura illa fieri poterat, similem creare instituit. Quippè qui neque illi tantam foelicitatem inuideret, neque timeret, ne homines sibi quandoque bellum inferre, & (ut de Gi-

*De Mundi & hominis creatione.*

D



DE HUMANAE VITAE

**Cælum.** gantibus fingunt Poëtæ) cælum expu-  
gnare conarentur. Itaque hoc quod ui-  
detis cælum, hac potissimum qua cerni-  
tis orbiculata & circulari forma, quæ &  
pulcherrima & amplissima uisa est, è ni-  
hilo, immò ipso tantum verbo, nutuque  
(ut nos existimamus) creauit. Id porro  
**Stellaru** incredibili stellarum multitudine, & va-  
**multitu-**rietate distinctum, ut duobus firmamen-  
**do.** tis, quos Græci Polos, nos axes dicimus,  
**Poli.** mira celeritate assidue verteretur, effecit:  
septem huic ingentes stellas, quos Græ-  
**Planeta.** ci Planetas vocant, diuersis inter se spa-  
tiis, magnitudinibusque distantes, qui  
contra supremum illud cælum conti-  
nuo motu, & volubilitate ferrentur, in-  
credibili pulchritudine & arte subiun-  
**Sol.** xit Ita ut inter eos Sol & Luna tum splen-  
**Luna.** dore, tum magnitudine, cæteris præ-  
stantes, suo cursu temporum vices va-  
rietatesque conficerent. His uerò om-  
nibus dedit alias atque alias in rerum  
natura potestates, ut singulis conuenire  
uisum est, quas, cum quia non sunt huic  
nostræ disputationi necessariae, tum quia  
tibi Rex notissimæ sunt, in præsentia præ-  
tereo. Hæc uerò tantā molē, quatuor illis



quibus omnia cōstant siue seminibus, siue elementis compleuit, ita vt in medio tanquam in umbilico terram collocaret, *Terra-* eam mari circundaret, utrique verò aerē primò, deinde ignem, sua quemque terminatum regione circumduceret. Atque aerem quidem uolucris, mare piscibus, incredibili multitudine & varietate, repleuit. Terram verò hominibus potissimum assignauit, eam tamen etiā multiplici ferarum ac pecudum genere, quibus homines tum alerentur, tum iunarentur referit. Atque huius quidem naturæ patrum, uel magnitudinem, uel pulchritudinem, uel ornatum, uel sitū, uel opes, uel fructus, oratione exprimere difficile est. Proponite uobis totam, quæso, ante oculos, & eius faciem quasi ex altissima *Naturæ facies.* specula contemplantini: intuemini, quæso, qua varietate, qua specie confurgant arboribus uestiti montes, & subsidant consistæ vitibus, & irrigatæ fontibus ualles, ut campi vario tum herbarum, tum arborum, tum frugum genere distincti porrigantur. Iam uerò mare quod totam intrā extrāque alluit, quantam non modò speciem, verum etiam utilitatē afferat.

D ij



DE HUMANAE VITAE

Flumina quoque quæ à mari per eius viscera venasque subeuntia, diuersis locis scaturiunt atque erumpunt, rursusque eâ supernè permeantia, & quibusdam quasi vinculis mari annectentia, suæ se origini, hoc est, mari reddunt: quàm & ipsi terræ ad fructus ferendos, & animalibus ad potandum lauandûmque necessaria? Tot uerò fruges, tot poma, tot baccæ, tot flores, tot herbæ, quo ordine, qua arte, qua uarietate, qua pulchritudine, ab illo rerum omnium parente, & productæ, & collocatæ sunt, ita, ut se quotannis suo semine instaurent, & non solum nobis, sed cæteris quoque animantibus abundè cibum præbeant? Quæ autem è terræ uisceribus eruantur aurum, argentum, æs, ferrum, plumbum, cæteraque metalla, item gemmæ, marmora & quæ sunt eius generis, quàm multa, quàm uilia, quàm pulchra, quàm preciosa sunt? ut in illis quid potissimum laudes non facile reperiatis. Iam uerò animalium siue terrestrium, siue aquatiliûm, siue aëreorum, quanta copia: quanta uarietas: quantus usus: ut siue iis neque uesci, neque operiri, neque terram colere, neque onera uehere, ne-



que etiam incedere longius possimus. Atque hanc tantam mundi molem, tantam rerum omnium copiam, tam insignem ornatum optimus ille & beneficentissimus parens Deus, nostra tantum causa procreavit, nostra causa extruxit, nostra in hunc diem causa seruauit, nostra quotidie causa regit, & tanquam optimus humani generis uillicus administrat, & annuos nobis magno cum fœnore fructus refert. Quod igitur, obsecro, potest huic beneficium comparari? quæ satis digna huic merito gratia referri? An non hæc omnia sunt unius hominis gratia comparata? His credo fructibus, his animalibus, his elementis, Deus ut aleretur, ut iuuaretur, ut uiueret indigebat. Nonne omnia & nobis concessa sunt, & à nobis pro arbitrio gubernantur? atque utinam pro illis inter nos non sine fine digladiaremur, utinam non illis in nostram perniciem abuteremur. Sed missa hæc faciamus. Homo nem verò ipsum, qua ratione idem opifex, qua specie, qua arte formauit? quam multa in eo, quam mirabiliter cumula-  
uit, quam aptè disposuit, quam egregiè collocauit, & ita ut non dubitarent mul-

Homo  
paruus  
mundus,



DE HUMANAE VITAE

- ti hominem propter omnium in eo rerū  
cumulatam dispositionem, microcosmō,  
hoc est, paruum mundum, appellare. **Corpus.** pus enim eius mira quadam proportio-  
ne, siue (vt Græcè significātius exprimā)  
symmetria, omnibus sibi mutuo respon-  
dentibus membris composuit, ita ut ca-  
put reliquo singillatim corpori, reliquū  
**Caput.** corpus capiti contineret. Caput ipsum  
in summa corporis parte, utpote quod v-  
niuerso præfuturum erat, tāquam in emi-  
nentissima sede collocauit. Id ut in om-  
nes flecti partes & faciliè & celeriter pos-  
**Collum.** set, flexibili colli & uersatili columnæ im-  
posuit, in hoc tanquam in celsissima &  
tutissima corporis arce, sensus omnes col-  
locauit: ita ut geminæ utrinque ad hau-  
**Aures.** riendam vocem aures prominerent, toti-  
**Oculi.** dē in fronte oculi quod tenerrimi essent,  
& preciosissimus per eos sensus permea-  
ret, aliis atque aliis membranis tunicis-  
que circumdati, desuper palpebris occu-  
**Nasus.** lerentur. Inter eos nasus, totidem nari-  
bus, tum ad olfaciendum, tum ad respi-  
randum, tum ad humorem à capite distil-  
**O. labia,** lantem emittendum discurreret. Infra  
**malæ.** eum os duobus labiis, totidem malis, du-



plicem dentium ordinem, item linguam *Dentes, lin-*  
 palatūque concluderet: quibus omni- *gua, pala-*  
 bus & cibus potūsque immitteretur, & fa- *tum.*  
 porum uarietas iudicaretur, atque uox *Brachia.*  
 ipsa sermōque redderetur. Tum brachia *Manus.*  
 collo atque humeris gemina, quæ in to-  
 tidem manus desinerēt, utrinque suspen-  
 dit, ea ut circumagi in omnes partes, &  
 corpori ministrare facilius possent, iun-  
 cturis, digitis, articulisque distinxit, ma-  
 nibus porrò multiplicem ad omnia cor-  
 poris ministeria & incredibilem usum  
 dedit. Post collum à tergo renes, spina *Renes.*  
 perpetua ad nates usque intersecti, à fron-  
 te pectus primo duabus mammis & co-  
 starum crate utrinque munitū, inde sto-  
 machus & uenter quendam quasi trun-  
 cum efficiunt, inde in gemina crura, quæ *Crura.*  
 in pedes desinunt, corpus diuiditur, his *Pedes.*  
 interiecta uirilia honestissimè occultan-  
 tur, ita ut & ad excrementa emittenda, &  
 ad sobolem propagandam, mira tum cō-  
 moditate, tum honestate, tum arte com-  
 parata sint. Quæ uerò intra corpus latēt,  
 non minore, immò multò maiore artifi- *Quæ in-*  
 cio constituta & disposita sunt. Verū *tra cor-*  
 id quò maius atque occultius est, eò mi- *pus latēt.*



# DE HUMANAE VITAE

mus apparet, minúsque à nobis ipsis intelligitur. Quis enim queat dicere quo pacto, & memoria, & intellectus, & sensus in cerebro & capite cõtineantur? Quo pacto & calor, & sanguis, & spiritus aut procreetur, aut seruetur, aut diffundatur: quo pacto cibus aut concoquatur, aut digeratur, aut nutriat? Quis uenarũ, arteriarum, neruorum, uiscerum distinctiones, ordines, officia queat explicare? quæ ne ij quidẽ qui sæpenumero dissecto particulatim humano corpore uiderunt, possunt dicere. Quæ uerò in singulis mēbris collocandis muniendisq; ratio? ut non solùm utilitati, uerumetiam speciei consultum fuisse appareat. Caput enim, quod uniuerso corpori imperaturum erat, in summo ut diximus collocatum, cū potissimam animæ partem, hoc est intellectum, memoriam, sensusque contineret, cerebro intrinsecus & humore repletum est: tenues deinde tunicæ duæ utrinque inductæ, tũ\* siue (ut medici appellant) Cranium, quasi testa quædam durior esset commissæ, & tanquam uas in quo cætera contineretur conclusa. Cutis inde durior, quæ omnia operiret com-

Caput.

Cutis.



plectereturque adiecta, & ut speciem si-  
mul & præsidium contra vim frigoris &  
caloris haberet, capillis circumfusa est.  
Capiti vultus appositus, quo homo non  
modò audiret, uideret, gustaret, olfacer-  
ret, aleretur, uerumetiam iram, lætiti-  
am, spem, metum, mentem, præterea consi-  
lium, cogitationes, & omnes animi, non  
solum motus, uerumetiam cōceptus, tum  
ore, tum etiam sermone, indicaret atque  
exprimeret. Appositæ humeris vtrique  
manus, quibus quæ uellet contingeret,  
apprehenderet, admoueret, repelleret. Pe-  
ctus capiti colloque successit, quo & ani-  
mus consilia curasq; reponere, & demit-  
tere alimenta, & spiritum reddere atque  
accipere corpus posset. Mulieribus etiam  
prominentiores ad nutriendos infantes  
mammæ appositæ. Leua huius pars cor-  
di idonea sedes est uisa, quo & calor &  
sanguis vndique conuenire, vnde etiam  
in omnes partes trāsmitti facilius & trāf-  
fundi posset: hæc sanguinis & caloris,  
hæc mentis atque animi, hæc denique ui-  
tæ sedes est constituta. Haud multò in-  
ferius stomachus est collocatus, quo &

Vultus.

Pectus.

Cor.

Stomachus.



DE HUMANAE VITAE

**Hepar.**

peretur, & ut insiti eo loco caloris concoqueretur. Ad dextram inde hepar, ubi alia rursus concoctio & digestio fit. Ad leuam inde cor, pulmo anhelitus sedes, & lien ad recipiendum ex sanguine humorem qui atra bilis dicitur, comparatus. Medium non harum modò partium, sed totius quoque corporis intestina ac aluus

**Intestina.**

obtinent, quibus & quæ ab stomacho superneq; ueniunt, suis quæque locis recipiantur, & quò ratio ipsa & necessitas postulat, per suas quæq; partes emittantur.

**Umbilic<sup>2</sup>.**

Ideòq; umbilicū ibi, utpote totius corporis medium, ipsius naturæ parens collo-

**Virilia.**

cavit: huic subdita uirilia ad propagandam sobolem, ut diximus, comparata, & ne aspectū offenderent cruribus interiecta: nates posterius haud inutiliter pro-

**Nates.**

minēti carnositate appositæ, quippè quibus & necessarius sordium exitus utrinque uallaretur, & sedēdi præstaretur officium. His & lumbis, crura utrinque an-

**Crura.**

nexa sunt, ea porrò genibus, suris, tibiisque ad pedes usque distincta, quasi geminæ columnæ uniuersum corporis pondus sustinēt, uehūntq;: & ut erigi facilius & subsidere corpus possit, iuncturis in



medio, hoc est genibus cōmissa sunt. *Pedes.*  
 des verò, vt & ferre, & sustinere toti⁹ cor-  
 poris molē possint in planā atque æqua-  
 lem formā desinunt, propterea q; eam, vt  
 existimo, plantam appellauimus. Totum  
 autē corpus vt & facilius sentiat, & ad ea  
 quæ obiturū est munera vegetius atque  
 habilis sit (vt paulò post dicemus) non  
 velleribus, aut pilis, aut setis, aut squāmis  
 aut plumis, aut alio velaminis genere, sed  
 tenui & molli pellicula obductum est, ita *Pellicula.*  
 vt qui mollissimā & tenerrimam sortiti  
 sint, ij omniū philosophorū iudicio, in-  
 geniosissimi existimentur. Atq; vt homo  
 suæ originis parentisq; meminerit, vt cœ-  
 lum semper suspiciat, vnū animantiū om-  
 niū, corpore erecto vultūq; in cœlū ver-  
 so, stantē Deus idē cōstituit. Quod quidē  
 elegātissimè his versibus Naso expressit,  
*Pronaque cū spectet animalia cetera ter-  
 ram,*

*Pellicula.*

*Hominē  
 quare cō-  
 stituerit*

*Deus cor-  
 pore ere-  
 cto vultū  
 que in cœ-  
 lū verso.*

*Os homini sublime dedit, cœlūque videre*

*Iussit, & erectos ad sydera tollere vultus.*

Huic igitur corpori idem naturæ opifex  
 ac parens Deus, nunquam à nobis satis  
 laudatus, animā ab se tūc potissimū crea-  
 tā, immisit atq; infudit, eamq; ita mēbris

*Animā.*



DE HUMANAE VITAE

omnibus connexuit, ita coniunxit, ut di-  
uelli sine hominis morte non posset: ita  
verò totam per vniuersum corpus diffu-  
dit, ut singulae eius partes totam contine-  
rent, & (quod dictu mirum atque incre-  
dibile videtur) nusquam tota abesset, &  
tamen vna corpus vniuersum compleret.

*Anima* Eius præcipuam quasi sedem alij cor, vñ-  
*sedes.* de vigor ille animi proficisci videtur: a-  
lij caput, vbi & sensus & intellectus &

*Materia.* memoria residet, esse putauere. Materiam  
eius nos quidem neque dicere neque in-  
dagare possumus, quemadmodum etiam  
qua materia uel cœlum, uel sidera, vel e-  
lementa, vel cætera omnia cōstituta sint,  
nullo pacto possumus affirmare. Nam  
quam Græci hylē, nos materiam primā  
dicimus, eam si subtilius consideremus,  
& rem ad ultimum redigamus, neq; per  
se quicquam esse, neque etiam si sit, cau-  
sam & quasi subiectum rerum omnium  
esse posse, sine dubio reperiemus. Neque  
enim summus ille opifex qui supra om-  
nem materiam, immò qui omnis mate-  
riæ autor esset, & omnia è nihilo consti-  
tueret, ulla ad res creandas materia indi-  
gebat. Is igitur quum & cœlum & cæte-



ra omnia ex nihilo produxisset, suamque unicuique rei pro eius natura materiā tribuisset, animę quoque ab se tum primum è nihilo productæ nobilissimam, purissimam, & pro reliqua hominis compositione atq; imagine præstantissimam, sibi que simillimā, sed quam solus ipse nosset, materiam attribuit. Quā quidē deprehendere quum veteres Philosophi non possent, in varios errores inciderūt, ita ut alij sanguinē, alij aërem, nonnulli ignem materiam esse dicerēt. Aristoxenus quidem musicus idēque philosophus, mira illa corporis cōpositione deceptus, harmoniam quandam è mēbrorum tanquā è fidium concordia existentem, animam esse dixit. Aristoteles rem altius repetēs Entelechian nouo nomine appellauit: eā nostri Philosophi actum primum, Cicero, quasi quandam continuatam, & perennem motionem uocat. Nos multò sapientius, multoque uerius, uel nullam esse materiam animæ, uel vni qui fecit Deo notā esse dicimus. Eius porrò uires & quasi potestates, & multæ, & admirabiles sunt, ita ut eius præstantem diuināque naturam nobis facilè apertēque ostendant.

*Animæ  
vires.*



# DE HUMANA VITAE

Quanta enim est, bone Deus, & quam admirabilis uis illa intelligendi vni homini diuinitus concessa, qua & seipsum & quæ extra se posita sunt omnia cōtemplatur? quāta eius celeritas, vt vnico temporis momento uniuersum terrarum orbem, longè latèq; peruagetur? quāta amplitudo atq; capacitas, vt vniuersam hanc quantacumq; est, cœli mundiq; molem, & quæcunq; in ea corporea atque incorporea continentur, intra se omnia comprehendat, & quasi complectatur? subtilitas verò tāta, vt humana omnia peruestiget ac penetret, & ad cœlestium diuinarūq; rerum naturas, vni Deo cognitatas, illo acumine & contemplatione conscendat: tanta denique diuinæ naturæ similitudo atque imago, vt immortalitatis ac beatitudinis capax & particeps efficiatur. Hoc illud est quod nos intellectū atque ingeniū appellamus. Quod quidem ad omnia nō modò intelligenda, verum etiam agenda, est accommodatū atque ingentū, vnde ipsum ingenij nomen etiā arbitror esse deductum. Huic subiecta & quasi subseruiens memoria est, omnium rerum amplissimus fidelissimūsq; thesau.

*Intellectus  
Ingeniū.*

*Memoria.*



rus. Hæc quidem incredibile est qua vi,  
qua facilitate, qua tenacitate, & audita  
visaque percipiat, & percepta conseruet,  
& seruata quum opus est efferat atque ex  
promat. Hæc eadem quum aliqua eua-  
nuisse & penè deleta esse videntur, in-  
credibile est quo pacto reminiscatur &  
quasi illustret, nō aliter quàm si quis ve-  
terem & penè aboletam scripturam refi-  
ciat ac renouet. Videtur enim is qui in  
memoria aliquid imprimit scribere, qui  
recitat scriptum legere. Neque illa parua  
vis est cogitandi, quam vnum hoc ani-  
mal accepit, qua & rationes inter se com-  
parat, & noui semper aliquid inuenit at-  
que excudit. Subseruit autem & quasi fa-  
mulatur his partibus omnibus vis illa  
sentiendi, quæ in partes quinque distri-  
buta, quinque illos, quibus maximè uti-  
mur atq; abutimur, sensus efficit: hi tan-  
quā exploratores quęcunq; perceperunt,  
intellectui, tanquā duci atq; Imperatori  
nūciāt. Proficiscitur ab his & quasi emer-  
git vis illa cupiendi, atq; appetendi quic-  
quid ei bonū oblatū est: item altera huic  
diuersa atq; opposita, reiiciēdi repellēdi,  
que cōtrarium: quam quidem ytraque



DE HUMANAE VITAE

*Ratio.*

voluntatem possum appellare. Sed his omnibus tanquam dux & moderator aliquis Ratio est appositā, quæ multiplici vi ac potestate, ea quæ oblata sunt æstimat, diiudicat, eligit, & quantum in se est efficit atque exequitur. Hæc intellectui coniuncta nos à ceteris animantibus longissimè separat, atque inter nos incredibili vinculo orationis coniungit. Hæc vitam nostram vniuersam moderatur ac regit, hæc nos in cœlum rapit, hæc diuinitatis participes, hæc denique proximos ac simillimos Deo reddit. Satisne igitur magnum hoc vobis diuinæ beneficentiæ munus videtur? est ne hoc satis amplum diuinæ in nos beneuolentiæ testimoniū? est ne satis ampla homini à Deo dignitas potestasque concessa? vt is qui antea non fuisset, tam pulchro, tam artificioso, tam aptè composito corpore donaretur, animam in delectum rationisque participē diuinitatis beatitudinisque capacem, immò purissimè illius ac diuinę lucis non-nihil habentem sortiretur, terra marique imperitaret, omnibus animantibus præ-esset, omnibus uteretur fructibus, omnis generis opibus diuitiisque afflueret: Cœ-  
lum &

*Dignitas  
potestas-  
que ho-  
minis.*



lum & quæ in eo sunt omnia, sua causa  
 procreata sciret, illisque quoad viueret  
 frueretur; ad Deum, quum è vita excessis-  
 set, atque ad æternam beatitudinem se  
 reciperet, Dei denique particeps socius-  
 que existeret. Quis hoc unquam non di-  
 co sperare, sed optare quoque aut cogi-  
 tare ausus esset omnino? & nos in mise-  
 rias genitum esse existimamus? Nonne  
 etiam si sciremus perpetuas nos miseras  
 sempiternaque supplicia esse subituros,  
 hanc tamẽ tantam nascendi uiuendique  
 dignitatem, præstare omnibus miseris  
 ac supplicis putaremus? Nonne ut hac  
 lucis & vitæ dignitate ac fœlicitate frue-  
 remur, quæuis mala, quasuis ærumnas  
 perpeti velle deberemus? Quis, obsecro,  
 tantus calamitatum ac miserationum cu-  
 mulus posset cum huius lucis dignitate  
 ac perfruitione cõparari? Quod malum  
 posset nos unquam ab huius uel cupidi-  
 tate vel delectatione detertere? Sed qua-  
 les homines Deus genuerit intelligo, cur  
 genuerit nõ intelligo. Atqui frustra que-  
 ri censeo, cur acceperis beneficium, cum  
 magnum te beneficium accepisse fatea-  
 re, immò hac ipsa interrogatione ingra-



DE HUMANAE VITAE

ritudinem tuam indicare te puto. At non fateor, inquis, me vlllo beneficio esse affectum quòd creatus sim. Quid enim ego cum non essem, hac luce indigebam? immò potius iniuria me affectum puto, quòd sim in has procellas fluctusq; demersus: neminem, mehercule, arbitror esse ita stultum, ita ingratum, ita sui ipsius immemorem, qui hoc audeat dicere, qui tam magnum, tam apertum beneficium aut diffiteri, aut cōtemnere unquam audeat. M A T H. Nemo profectò hoc sanæ mentis unquam faciet. P E T. Siquis tamen sit ita durus, ita immanis, ita ingratus, ita petulans, qui cum se cæterorum animalium præstantissimum & Deo penè similem, quū antea nihil esset, factum uideat, audeat tamen cur factus sit quærere, huic ego respondebo, si Deum uel imperitum uel iniustum putat, qui aut nesciat qua de causa fecerit hominem, aut non iusta de causa fecerit, ipse impius est & indignus qui in hominum numero habeatur, qui Deū pessimo etiā homine peiorem existimet. Si Deū & optimū & sapiētissimū esse putat, desinat ab eo suæ creationis quærite rationem, existimetq; id optimum esse



quod Deus fecerit, seq; ab Deo non nisi optima de causa productū putet, eam si ipse ignorat, suā ignorantia, non Dei beneficentiā arguat. Eā tamē causam si omnino scire desiderat, sciat se ad immortalitatem & beatitudinem apud Deum consequendā esse natū. Quam quidem qui nō credit, suā perfidiam: qui non cognoscit, suam inscitiam: qui non curat, suam nequitiam ingratitudeque accuset. Illud sine dubitatione omnes sibi persuadeant, se non nisi optima ac iustissima de causa esse procreatos. At cur inquis mortales nos & tot morbis necessitatibusque obnoxios Deus fecit? si immortales beatosque esse volebat, cur nō immortales quoque & beatos ab initio procreauit? Eodē reuolueris, idem enim est cur mortales & cur homines Deus fecerit quærere. Nam cum mortales dicis, quæ hominum conditio est, homines utique dicis. Ego verò possem ita tibi iure optimo respondere, Quid tu te Dei iudicē facis? nō est tuum id quærere. Num dicit urceus figulo, Cur me hoc modo finxisti? Tu verò multo magis differs ab Deo, quàm à figulo urceus, multoque illi magis debes.

*Hominē  
ad immor-  
talitatem  
& beati-  
tudinē  
apud Deū  
consequē-  
dam na-  
tum esse.*

E ij



DE HUMANAE VITAE

feras igitur æquo animo conditionem  
tuam. Quicquid enim habes, ex munere  
habes, cum promereri qui nihil esses, ni-  
hil potueris. Deum & optimum & iustis-  
simum fateris esse: illi igitur te totum cō-  
mitte ac trade, quem scis aut errare, aut  
decipere, nec uelle nec posse. Possem, in-  
quam, ita tibi meritò respondere, neque  
tu cōtrā haberes quid diceres, sed tamen  
uolo tibi quantum possum satisfacere.

*Homines meliori  
ex parte im-  
mortalis, qua  
re mortales.* Scias igitur nos qui ad immortalitatem  
ac beatitudinē geniti sumus, immò quod  
sumus & maiori & meliori ex parte im-  
mortales, hoc à diuina beneficentia & li-  
beralitate habere: quod verò simus ali-  
qua ex parte mortales, hoc nobis iure op-  
timo, immò etiam necessario cōtigisse.  
Illud enim misericordiae & gratiae, hoc  
iustitiae & æquitatis munus est. Quic-  
quid præterea ex his elemētis, ex his con-  
trariis qualitatibus calore, frigore, siccitate,  
humore compositum & conflatum  
est, id aliquando dissoluatur atque inte-  
ritum sentiat necesse est: ea enim quæ si-  
bi mutuo repugnant atque aduersantur,  
sempiterna esse non possunt. Hæc verò  
elementa quibus constat omne quod na-



tum est, quum contrarias inter se naturas & qualitates sortita sint, quæ durare composita & coniuncta non possunt, immò etiam ipsa per se, cum semel producta & procreata sint, occidant aliquando & intereant necesse est. Non poterat igitur his seminibus cõpositus homo morti obnoxius non esse. Quòd si immortale hominum corpus fuisset, & elementa ipsa, & quæcunque ex iis constabant immortalia esse, cum ex eadem omnia materia & quasi massa constarent, necesse erat. Quod quidem si fuisset, neque iumenta, neque feræ, neque arbores fuissent ab hac immortalitate immunes. Atque hoc quàm turpe, quàm indignum futurum fuerit ipsi iudicate. Homo enim ipse qui cæteris præstat, cæteris differt, qui ad immortalitatem Deo similis solus est genitus, à feris atque arboribus ulla ex parte non differret? Postremò corpus ipsum quod animæ instrumentum atque amictus est, cum nihil per se sentiret, nihil intelligeret, beatitudinis capax esse non poterat. Quemadmodum enim vestes corpori obductæ, ex iis quibus corpus fruitur voluptatibus nullam perci-



DE HUMANAE VITAE

piunt, nullam sentiunt, propterea quòd illae sunt corporum nō vestium propriae, ita ex iis quas anim⁹ capturus est, ex beatitudine voluptatibus, corpus percipere aut sentire nullam posset. Vultis hoc vobis planius faciam? Videte quā non de voluptatib⁹ lectetur, immò offendatur potius animi corpus of voluptatib⁹ corpus. Quum enim aliquis *Animi uo* *luptatib⁹* *corpus of* *senditur.* aut audit, aut legit, aut contemplatur, aut disputat quippiam quod maximè placeat ut nos nunc facimus, animus quidem incredibili eius rei voluptate ac suauitate perfunditur, corpus verò aut fame, aut frigore, aut tædio, aut dolore vexatur, ut nunc tibi, Rex, accidere puto. MATH. Profectò sic est. Sed perge, quæso, rationem istam explicare, nam dum tu loqueris, ego dolorem minus sentio. PET. Non posset igitur corpus eā, quæ animi propria, beatitudinem sentire, immò illum meo quidem iudicio magnoperè impediret, ut nunc etiam in vita impedit atque à rebus gerendis retardat. Nam cum animus leuissimæ ac purissimæ naturæ sit, proptereaque agilitatem & celeritatem incredibilem habeat; corpus contrà quum graue immundumque sit, atque ob id etiam



tardum atque hebes, animum quem mēbris quasi vinculis quibusdam comprefsum atque astrictum tenet, maiorem in modum sua mole inertiāque retardat, ita ut ab institutis sæpè studiis actionibusq; abducatur: atque ob hanc maximè causam, hoc est ut leuiiores atque agiliores simus, & quàm minimè possumus animos impediamus, sine setis aut pilis, tenuiori cute (quod tu, Rex, paulò antè querebaris) generati sum⁹, ita ut qui tenuiori ac molliori cute, item qui corpore macilentiori & graciliori sunt, ingeniosiores plerunque esse existimantur, propterea quòd minus impeditus mole corporis animus, ad ea quæ ingenij propria sunt pròptior atque habilior redditur. Contrà qui aut duriori cute, aut corpore obefiore sunt, qualem me videtis esse, minus ingenio valeant, cum animus ingenti mole oppressus se erigere atque explicare nō possit. **B E A T.** ædepol in te vno, Petre, lex hæc non est seruata. Nam quum apprimè corpulentus sis, ingeniosissimus tamen & doctissimus es. **P E T.** Iocaris tu quidem, Regina, & nimis de me bene sentis, vtinam istud verè sentias. **B E A T.** Ego uerò &

E iij



DE HUMANAE VITAE

sentio & admiror, & quomodo tantam  
doctrinam assecutus sis nescio. **P E T.** Ca-  
stigo (vt Paulus faciebat) corpus meum,  
atque in seruitutem redigo. **M A T H.** Per-  
ge obsecro, Petre, reliqua explicare: tu  
verò, vxor, ne interpella. **P E T.** Satis, vt o-  
pinor, ostensum est, cur homines à Deo  
& cur mortales generati sint, nisi quid  
aliud uos ad hæc fortasse vultis dicere.  
**M A T H.** Nihil omnino. **P E T.** Fatemini  
igitur hæc à Deo rectissimè instituta esse,  
hominemque & maximis ab eo benefi-  
ciis affectum, & iure optimo morti obno-  
xium esse procreatum? **M A T H.** Fatemur  
planè: quis enim istud negare audeat,  
quum sit abs te ita copiosè dilucidèque  
probatum? **P E T.** Sequuntur illa quæ ad  
educationem, labores, alimenta, morbos-  
que pertinet, quæ quidem omnia huma-  
ni corporis ratio secum trahit. Nam cum  
è contrariis, ut diximus, qualitatibus ita  
constemus, ut nobis quandoque morien-  
dum sit, crescamus paulatim per singu-  
las ætates, & quasi floreamus, item postea  
quasi deflorescentes, ad fructum & ma-  
turitatem quandam ætatis perueniamus,  
deinde ad senectam & interitum paula-

*Humani  
corporis  
ratio quæ  
secum tra-  
hat.*



tim declinemus necesse est. Omnia enim  
orta occidunt, & aucta senescunt, vt Cris-  
pus inquit. Quæ quum ita sint, nihil no-  
bis graue, nihil molestum videri debet  
quod ad corporis educationē pertineat.  
Ea enim quæ magnum incrementum ha-  
bitura sunt, non nisi ab exiguis profecta  
principiis, & per suos gradus aucta ad iu-  
stam magnitudinē euehi possunt. Quod  
si qua repentē adoleuerint, atque ad sum-  
mum peruenerint, nō fermē diu durant.  
Quod animaduertere licet in his, qui  
quasi præcoces ante tempus aut fari, aut  
ingredi, aut sapere præter ætatem corpe-  
runt: nunquam enim postea diu viuunt.  
Idem accidit iis qui repentē diuites po-  
tentesque efficiuntur: vt enim opes eas fa-  
cilē affecuti sunt, ita etiam facilē amir-  
tunt. Alimentorum & vestium, eadem  
quæ educationis ratio est. Crescere enim  
& seruari corpus, nisi nutriatur operia-  
tūque, non potest. Et natura quidem ip-  
sa paruo ac facili cibo, potu, amictūque  
contenta, vltra quā sātis est nihil appe-  
tit. Cui quidem rei argumento est, quod  
& veteres illi glandibus, atque iis rebus  
quas terra sua sponte produxerat, diu ui-

*Crispi di-  
ctum.*

*Alimenta  
& vestes.*



# DE HUMANAE VITAE

Et ita dicuntur: & multae hodie nationes tum vini, tum panis usu carent, lacte tantum carnibusque uescuntur. Sed quum iis rebus, quae ad homines alendos propagandosque pertinebant, voluptas quaedam à natura & delectatio apposita esset ne quis praeter labore aut tedium suam uitam sobolemue negligeret, atque ob id humani generis propagatio cessaret, necessitas in luxuriam paulatim conuersa est, neque id quod satis erat, sed quod libido appetebat quaesitum, resque in eum locum paulatim deducta, ut homines sine tritico, uino, lana, aedificiis, immò etiam multi sine odoribus, unguentis, plumis, aliisque delitiis, nullo pacto se uiuere posse arbitrarentur. Hinc itaque terrae cultura, hinc nauigatio, hinc aedificatio, hinc innumerabiles quaestuariæ artes, hinc denique omnes mortalibus labores prouenire, ut lautè pascerentur, uestibus aedificiisque abundarèt, uoluptatibus illis fruerentur, quas tu tam miseras & tam molestas vocas. Quòd si cibis, potus, somnus, & cætera eius generis ita molesta essent ut dicis, profectò non tantum in illis temporis, non tantum laboris ac studii con-



sumeremus, non illis tantoperè delecta-  
remur, non tantoperè illa expeteremus:  
utinam autem non tam iucunda hæc no-  
bis & suauia viderentur, profectò non in  
illis usque ad interitum mergeremur, nò  
totos illis dies noctesque impèderemus,  
non denique in illis summū bonum col-  
locaremus. Ab hac igitur incontinentia *Morbi un*  
& luxuria morbi innumerabiles proces- *de nasci-*  
sere, ita ut verissimè dictum à veteribus *tur.*  
sit, Plures occidere gulam, quàm gladiū.  
Nam quum contrariis illis qualitatibus  
constemus (ut sæpè iam diximus) ualetu-  
do & uita nostra omnis, in earum con-  
cordia & æqualitate sita est. Quòd si quā-  
do illarum aliqua uel cibo, uel potu, uel  
alia ratione aucta, cæteras superauerit at-  
que oppresserit, totius corporis compofi-  
tio debilitetur ac periclitetur necesse est.  
Ex ea porrò discordia & quasi seditione,  
morbi nascuntur eius generis cuius qua-  
litates atque elemētum cæteris domina-  
tur, neque curari possunt, nisi pristina il-  
la in corpus temperies & concordia re-  
ducatur. Sed alij nascuntur ex aliis, & cor-  
rupta iam corporis uitæque materia pul-  
lulant indies plures, & quo nos ad scne-



# DE HUMANAE VITAE

Etiam atque interitum magis uergimus,  
& deficiente in illa & calore naturæ plu-  
res quotidie grauiorésque emergunt.  
Quòd si eo quod satis est uellemus esse  
contēti, neque causas quotidie laborum  
atque egritudinum, nostra infinita atque  
insatiabili cupiditate innecteremus, pro-  
fectò neque tot laboribus, neque tot mor-  
bis subiecti & quasi addicti essem⁹. Huic  
rei argumento sunt permulti sanè, qui ad  
extremam senectutem perducti, nullos  
vnquam morbos senserunt, nullum do-  
lorem, nullam ualetudinis commutatio-  
nem experti sunt, cuius quidem generis  
& ego nonnullos in Italia, Siciliaque co-  
gnoui, & puto utrūque uestrum aliquos  
uidisse. M A T H. Vidi ego apud Dacos cir-  
ca salinas nostras, quem locum Morima-  
rusam appellamus, nonnullos centena-  
rios senes, aut etiam grandiores, ita uali-  
dos, ita robustos, ut accipitrem dextra te-  
nentes equo facilè insilirent. Ii se perpe-  
tua ualetudine usos affirmabant, ita ut ne  
minimum quidem corporis unquam do-  
lorem essent experti. P E T. Incontinentia  
igitur nostra, nostra, inquam, incontinen-  
tia & luxuria morbos creat. Neque quic-



quam nobis nociturum putamus cum  
valemus, cum epulamur, cum inebria-  
mur, cum in venerem solui mur, cum fri-  
gora æstusq; immodicos toleramus, de-  
nique cum corpus ad omnem inconti-  
nentiam, ad omnes labores, periculâque  
exponimus: tunc, inquam, nihil nobis o-  
besse credimus, nihil de valetudine, nihil  
de miseriis, de morte, de pœnis cogitam<sup>9</sup>.  
Quum autem morbis opprimimur, ve-  
xamur doloribus, senectam mortemque  
aduentantem cernimus, tum demum mi-  
serias sentimus, uitam odimus, nascendi  
moriendique legem detestamur. Quæ  
quã indignè, quã immeritò faciamus,  
ipsi iudicate. Huc accedit, quòd illæ quas  
modò memorauimus uoluptates, hæc  
præterea opum, honorum potentiaque  
suauitas, ita nos allicit atque attrahit, ita  
nos studiis humanarum rerum implici-  
tos atque alligatos tenet, vt unde orti aut  
quò redituri simus, neque meminisse, ne-  
que cogitare velimus. Immo his rebus  
ita delectamur, ita afficimur, ut hanc esse  
nostræ originis causam, hunc omnium  
honorum finem & terminum existime-  
mus, atque ob hoc tantum, vt his rebus

Volupta-  
tes.

Opes.

Honores.



DE HUMANAE VITAE  
perfruamur, natos nos esse arbitremur.  
Quæ quidem opinio ita in humanis mē-  
tibus inualuit, ita longè latèque peruaga-  
ta est, ut in uarios atque exitiabiles erro-  
res nō vulgus modò, sed doctos quoque  
homines & sapientes induxerit. Rati e-  
nim non vltra hos uitæ fines progredien-  
dum esse, neque alibi summum bonum  
quærendum, alij opes aut honores, alij  
valerudinem, plurimi (quod fœdissimum  
est) voluptatem, pauci admodum virtu-  
tem, summum bonū esse putauere. Quæ  
quidem opinioniones, cum magna ex parte  
nostris cupiditatibus blandirentur, ita in  
humanis pectoribus infederunt, ita peni-  
tus infixæ sunt, ut hodie quoque diuelli  
vix queant, immò multa hominum mi-  
lia nunc quoque pessudent ac perdant.  
Quòd nisi hæc laborum ac morborum  
asperitas esset, quibus homines quasi sti-  
mulis quibusdam suæ mortalitatis ad-  
monerentur, & tanquam frēnis à uiuen-  
di cupiditate retraherentur, omnes hic  
vltimum vitæ finem & summam felici-  
tatem collocarent, neque aliās aut suæ o-  
riginis causam, aut beatitudinem esse cre-  
derent. Postremò nulla esset uirtutis ex-



ercitatio, nulla spes aut expectatio præ-  
 miorum, si nunquam corpora agrota-  
 rent, si nunquam doloribus affligeren-  
 tur. Virtus enim (vt Paulus inquit) in in-  
 firmitate perficitur. Quid enim esset, aut  
 quo pacto se extenderet illa constantia,  
 illa patientia, illa omnium dux & regi-  
 na uirtutum fortitudo, quæ per excellen-  
 tiam quandam uirtutis nomen prome-  
 ruit, nisi aliquid esset asperum ac diffici-  
 le, cum quo illa decertare ac depugnare  
 posset? His igitur omnibus de causis mor-  
 bi partim prouenire, partim etiam iure  
 ac merito immitti sunt, neque debent no-  
 bis adeò graues molestique uideri. Quip-  
 pè qui aut nostræ incontinentiæ culpa  
 proueniant, aut nostræ summæ utilitatis  
 causa diuinitus immittantur, præsertim  
 quum & eadem nobis diuina beneficen-  
 tia tam multa, tam salubria, tam facilia  
 remedia suppeditauerit, quibus illos aut  
 expellere, aut magna ex parte leuare pos-  
 simus, & sint, ut diximus, permulti qui  
 nullo unquam morbo, aut dolore labo-  
 rauerint. Senectus uerò cur tantoperè de-  
 testanda sit non intelligo, hæc enim ætas  
 est omnium uitiorum & cupiditatum

*Senectus  
 nō dete-  
 stand.*



DE HUMANAE VITAE

expers, omnium uirtutum ac disciplina-  
rum parens. Hæc iuuenū regula, & quasi  
frenum, hæc fidelis ministra consilij, hæc  
denique optima totius uitæ magistra, &  
tanquam omnis ætatis, sapientiæ graui-  
tatisque perfectio est. Quæ quidem si re-  
liquam ætatem probam & continentem  
egerit, est ipsa continentissima, neq; mor-  
bis aut doloribus infestatur, sed prospera  
semper ualetudine & uigore utitur: Sin  
uitia secum à superiori ætate & cupidita-  
tes attulerit, corpore pariter & animo in-  
ualida agraque efficitur, & ut uirtutibus  
efforta, ita ualetudine & uiribus exhau-  
sta est. Cum enim per se infirma sit ipsa  
ui naturæ & uita deficiente, libidinis, gu-  
læ, cæterorumque uitiorum accessu de-  
biliores nimirum infirmiorque efficitur.  
Quod si animus ualeat, cupiditatesque  
compescat, corpus quoque ualeat neces-  
se est. Quicquid igitur molestiæ senectus  
habet, à iuuentute habet: ipsa per se & cor-  
pore & animo itegerrima est. Quod qui-  
dem sic esse & Alfonsus Rex huius Re-  
ginæ auus, & Robertus Sanscuerinas bel-  
li Dux præstantissimus, & Ioannes Ar-  
gyropylus, in omni disciplinarum gene-  
re



re Gracè Latinèque doctissimus, & alij permulti optimè apertissimèque declarant, qui usque ad vltimam senectutem magna corporis animique integritate perueniunt. Laurentius Bonincontrius astrologus præstantissimus, octogesimū nunc, ut reor, annum agit, tanto animi corporisque uigore, ut & meminerit quæ puer didicit, & pedibus semper iter faciat. Quo Dacos tuos, Rex, minus admiror, qui tenuissimo cœlo assueti, corpus uenando atque equitando semper exercuere. Non est igitur, ut videtis, senectus molesta, si proba sit: neque est hæc ætatis culpa, sed hominum, ut in Catone maiore Cicero apertissimè copiosissimèque ostendit. Cupiditates autem quas tu nobis perniciosissimas esse dicis, à sensib<sup>9</sup> proficiscuntur: nihil enim cupere atque affectare animus potest, nisi quod ei à sensibus obiectum atque oblatum est, qui ob id fenestræ animæ à Philosophis sunt appellati. Iis autem nihil pulchrius, nihil utilius, nihil ad uitam magis necessariū est nobis à natura datum, adeò ut quicumque aliquo sensu priuatus sit, mactus omnino inutilisq; reddatur. Quod si re opti-

Sensus  
fenestra  
anima.



DE HUMANAË VITAE

ma, pulcherrima vtilissimâq; abutimur  
eâmq; in perniciem nostram vertimus,  
nihil est quòd aut Deum, aut humanæ  
naturæ conditionem accusare possimus.  
Accusemus potius nostram peruersita-  
tem, accusemus nostram nequitiam, no-  
stram intemperantiam, nostram incon-  
tinentiam, qui modum tenere in vita ne-  
sciamus. Quòd si ea quæ in nostrum in-  
teritum uerti, aut nobis aliquo pacto o-  
besse possunt, omnia damnanda ac dete-  
standa sunt, gladios & arma detestemur,  
quia illis & in patriam, & in parentes, &  
in nos ipsos vti possumus: domos non æ-  
dificemus, ne aut nos in illis quandoque  
obsideamur, aut in nos illæ quandoque  
procumbant. Iam verò quid cibo & potu  
si moderatè sumatur salubrius, quid vti-  
lius? eodem si immoderatè vtimur, quid  
perniciosius? Videtis optima quæque in  
deterrima posse conuerti, non sunt igitur  
propterea detestandæ cupiditates quòd  
per se malæ aut noxiæ sint, quum illas à  
natura tanquam vtilissimas, & maximè  
necessarias ad uirtutē & res optimas ex-  
petendas acceperimus, sed quòd illis ad  
luxuriâ & incontinentiâ abutamur. Sunt

*Cupidita-  
tes vtilis-  
simas Et  
maximè  
necessari-  
as esse.*



Autē fræno potius rationis cohibendæ, & intra tēperantiæ fines ne latius uagentur continēdæ. Quod quidē si fecerimus, infinitas ex illis utilitates capiemus, neq; solum illas non dānabimus, uerū etiam vitā sine illis cōstare nō potuisse iudicabim⁹. Quod si dicerē illas nobis à Deo ad uirtutū exercitationē esse datas, neq; ego fortasse mētirer. Oranti enim Paulo, ut à libidinis cupiditate liberaretur, respōsum ab Deo est, Sufficit tibi gratia mea: neq; vos molestas aut inutiles iudicare deberetis. Quæ enim cōtinētia aut tēperantiæ laus esset, nisi cupiditates nos in cōtraria raperent? Pudicitia verò, & ea quam nos uirginitatē appellamus, quo pacto tātī apud Deū fuisset, ut uirginē sibi matrē per quā ad nos veniret eligeret, nisi uenerea illa cupiditas quā pudicitia vinceret atq; expugnaret inueniretur? Nō sunt igitur, mihi credite, malæ aut noxiæ cupiditates, non sunt nobis inutiliter à natura datæ si rectē iis utamur, sed sunt meo iudicio quēdā incitāmēta uirtutū, & (ut initio dicebā) quēdā quasi foelicitatis instrumēta. *Mortem aut op-*  
Mors autē, quam tu postremo loco, maximē homini molestā atque horribilem *tandam,*



*aut certè esse dicebas, quid habeat tantoperè uel non refu-* adueniens pertimescendum, vel præsens *grediã esse.* dolendum refugiendúmque, non uideo.

Nam etiam si animæ cum corporibus extinguerentur ( quod nemo sanæ mentis audeat suspicari ) mors aut optanda, aut certè non refugienda esset, propterea quòd nos maximis, ut uos putatis, miseris liberaret. Cum autè immortales esse animas nostras, atq; ad immensam quandam & infinitam beatitudinem proficisci, & uos rectissimè credatis, & nemo debeat dubitare, quid est quòd mortem aut præsentem, aut aduentantem horrere quisquam debeat? quæ nos è miseris beatos, è mortalibus immortales, ex hominibus denique Deos reddat. Atqui paucissimi, inquis, queunt ad istam beatitudinem peruenire. Quid uos? quem obsecro inter homines gradum nunc tenetis? è multis ne, an è paucis estis? Quot, obsecro, in terris Reges reperiuntur? nonne admodùm pauci? Quot uerò è priuatis hominibus Reges fiunt? nonne multò pauciores? Tu igitur Rex quum priuatus atque adeò in uinculis esses, neque à tuo patre ad Regnum procreatus, tua tamen



virtute atque industria Rex effici potuisti: quum homo sis, atque ad beatitudinem genitus, beatus effici non poteris? Quid, obsecro, tibi quo minus id assequaris potest obstare? Deus ne? at salutis nostrę cupidissimus est, pro qua Deus quum esset, homo fieri: quum esset immortalis, mori uoluit. An tua vita? at istud & in te situm est, & tibi, ut arbitror, non obstabit. Quem enim tu in uita uel pietati, uel beneficentię, uel modestię, uel patientię, uel mansuetudini, uel ei quę tui propria muneris est iustitię locum reliquisti? Nolo nunc etiam tuam particulatim uitam recensere, ne tibi aut notissima referendo molestus sim, aut tuas laudes explicando uidear adulari. Illud breuiter & uerę dicam, te Regum omnium qui nostra ætate sint, & optimum, & religiosissimū, ab omnibus & appellari & existimari. Quę de te dixi, eadem de hac uxore tua intelligi uolo, quę quum cæteris suis uirtutibus, tum uerò pietate & pudicitia cæteras mulieres longè antecellit. Quamobrem ego quidem (si ex me quid sentiam quæritis) de beatitudine, & ælicitate uestra sempiterna nō dubito.

F iij



DE HUMANAE VITAE

*Senum  
mors.*

At est fortasse dissolutio illa corporis & animæ, dissociatioque molesta. Est quidem iuuenibus ut arbitror, aliquanto durior, ut poma quæ immitia & intempestiua sunt, ægrius ab arbore diuelluntur, utpote quæ magis inhæreant arbori. Quæ verò mors senibus accidit tãquam tempestiua, omnis mea sententia molestiæ & doloris est expers. Ut enim maturum iam pomum legentis manum facile sequitur, quod si non decerpatur ultro ad terram decidit: ita senex iam maturus, exacto uitæ cursu, aut spontè, aut certè sine dolore dissoluitur: iuuenis ut acerbum adhuc pomum diutius resistit. Sed iuuenum quoque multos ita facile morientes uidi, ut dormire illos dicas, non mori. Quid quod nonnulli ita repente, nullis euidentibus causis moriuntur, ut se quoque ipsi mori non sentiant? quod L. Cæsari dictatoris Cæsaris patri, item alteri ex eadem familia contigit, qui ambo manè dum calciarentur exanimati sunt. Quid quod gaudio etiã nonnulli periere? ut mater illa quæ post pugnam Cannensem filium, quem mortuum audierat, repètè incolumem uidit: Sopho



cles poëta, & Dionysius Sicilię tyrannus, *Sophocles*  
 quorum uterque accepto tragicę uicto- *Diony-*  
 rię nuntio, repenti prę lætitia expirauit. *sus.*

Quę quum ita sint, non uidetur aliquem  
 mors ipsa dolorem afferre. Quod si prę-  
 sens non est molesta, adueniens & dum  
 expectatur esse quī potest? At cogitatio *Mortis*  
 illa terret animos, cū subit te non futu- *cogitatio*  
 rum esse quod fueris. Eorum credo ani- *quos ter-*  
 mos terret, qui cū pessimē ac flagitio- *reat.*  
 sissimē uixerint, adesse tempus cernunt,  
 quo maximas ac dignissimas suorū scele-  
 rum pœnas expendant. Qui autem rectē  
 semper pięque uixere, mortem & securi  
 venientem expectant, & præsensem læti  
 excipiunt, cogitantes se non ad pœnas  
 scelerum, sed ad uirtutū præmia infini-  
 ta proficisci. Quod si uel diuelli ab suis,  
 vel uitam amittere, vel charissima quę-  
 que relinquere durum & molestum ui-  
 detur, illud profectō quod uolumus te-  
 nemus, uitam hanc esse non miserā à qua  
 discedere miserum molestūque existi-  
 metur. Videtis ut hæc uita quam uos pau-  
 lo antē miserrimam putabatis, nō modō  
 misera non sit, verumetiam iucunda atq;  
 optabilis, ita ut quāuis ad meliora diu-



DE HUMANAE VITAE

*Mortalium conditio, hanc elementorum compagem tam pulchram, tam amplam, tam uariam, tam omni rerum genere distinctam, & nostra causa productam, & nobis traditam ab Deo esse uideamus? cum corpus tanta arte ac specie formatum, animam tam nobilem, tam intelligentem, tam Deo similem habeamus? cum ad aeternam beatitudinem consequendam nati simus? ad eamque recta & facili, si uolumus, via proficiscamur? Potest haec misera aut molesta uita appellari, in qua tantae opes, tam multae uoluptates ac suauitates sint, ut hic multi foelicitatem audeant collocare, nemo denique ab ea nisi inuitus discedat? Quid uos, obsecro, ad haec dicitis?*

*Nasci omnibus optimum esse? an non dum etiam? B E A T.*

Ego quidem fateor, & cum te ita de nostra dignitate differentem audio, me natam esse maiorem in modum gaudeo. P E T.

Tu quidem facile cedis Regina, quippe quae ita modesta sis, ut mihi, quem tum ob aetatem, tum ob nonnullam de me com-



ceptam opinionem obseruas, non audeas  
repugnare. Regem uerò qui & doctissi-  
mus est, & causam propriam agit, aueo  
quàm primùm audire quid sentiat, scio  
enim mihi non ita facilè cessurū. MATH.  
Ego uerò tibi, Petre, facilè cedo. Quis e-  
nim tam multis & tam ueris rationibus  
audeat aduersari? tantæ uerò eloquentiæ  
resistere etiam in optima causa difficile  
esset. Ego quidem me tua oratione non  
mediocriter adiutum fateor, & in tuam  
sententiam non inuitus uenio. Expecto  
tamen quid ad meam hanc ægritudinem  
dicturus sis, cuius gratia omnis hæc est  
suscepta disputatio. Nam quæ hætenus  
dixisti, & mihi & uxori communia sunt,  
quæ uerò deinceps dicturus es, ea vni  
mihi sunt propria, propterea q; à me ma-  
gis expectantur. Proinde nisi molestum  
est, hanc quoque mihi partem disputa-  
tionis persolue. B E A T. Ego quoque eam  
Petre, non minus expecto, quippè quæ  
mea ex Rege pendere vitam putem. Gra-  
tissimum igitur utrique feceris, si hanc  
quoque partem, quàm diligētissimè fue-  
ris executus. P E T. Faciam libens, cum  
intelligam me rem utrique uestrū non

*Altera di-  
sputatio -  
nis huius  
pars, de to-  
leranda  
corp. agra-  
tudine.*



DE TOLERANDA CORP.

ingratam facturum, eoque libetius, quod d  
uideor iam hoc labore magna ex parte  
esse propter superiorem disputationē li-  
beratus. Nam quum illa quæ de nostræ  
vitæ conditione dicta sunt, non inuiti cō-  
cedatis, faciliora erunt, quæ deinceps se-  
quentur, si modò uos non iniqui vestræ  
ægritudinis æstimatores esse volueritis.  
M A T H. Ego quidem quanquam me gra-  
uius fortasse, vel sentire uel loqui, uale-  
tudo mea & hic penè assiduus dolor co-  
git, tamen cūm videro te aliquam illi vel  
mediocrem afferre medicinam, non com-  
mittam ut fouere ipse meā ægritudinem  
uidear. B E A T. Neque ego, quæ Regiæ  
ualetudinis ac uitæ cupidissima sum, eius  
malum fouebo, tu modò, Petre, da ope-  
ram quantum potes, ut id tua oratione  
uel depellas, uel (si id fieri non potest) sal-  
tem aliqua ex parte comminuas. P E T.  
An tu hoc esse Regina malū putas? B E A T.  
Ego quidē (ut initio dixi) ita puto. P E T.  
Nihil igitur est superiore disputatione  
effectum? B E A T. Est quidem multum,  
sed quum Regem hunc meum, immò  
(ut uerè dicam) meam animam, meam  
uitam, aspicio è tam ualido ac tam inte-



gro, repente tam debilem & mancum effectum esse, non possum hanc ægritudi *Ægritu-*  
nem non magnoperè detestari, eamque *do an ma*  
non magnum etiam malum appellare. *lum.*

PET. Quid tu malū cedo uocas? BEAT.

Nimirum id quod bono est contrarium.

PET. Quid si ad hanc alia, atq; alia (quod nolim) ægritudo Regi accesserit? BEAT.

Auctum esse malum existimabo. PET.

Quid si omnes morbi, non dico iam regium, sed aliud quoduis corpus inuaserint, quid illi dices accidisse? BEAT.

Eū sine dubitatione in maximis esse malis dicam. PET. Non tamen in omnibus.

BEAT. Dicere istud quidem non ausim.

PET. Qua de causa? Nam quum esse ægritudinem malum dicas, qui omnibus ægritudinibus affectus sit, eum omnibus malis affectum esse necesse est. BEAT.

Minimè istud quidem. Quum enim ægritudinem malum uoco, non solum aut uniuersum malum illam esse intelligo. Ita fit, ut qui omnibus laboret ægritudinibus in maximis quidem malis sit, non tamen in omnibus. PET.

Alia ergo præter ægritudines mala esse censes. BEAT. Vtique censeo. PET.



DE TOLERANDA CORP.

Quæ nam? B E A T. Paupertatem, orbitatem, solitudinem, & quæ sunt eius generis. P E T. Quid auaritiam, libidinem, crudelitatem, iniustitiam, perfidiam, impietatem, & cætera uitia censésne mala dici oportere? B E A T. Ista uerò ego longè omnium maxima esse censeo. P E T. Eadem tamen modò dicebas, cum qui morbis omnibus laboraret, in maximis esse malis tibi uideri. B E A T. Idem etiam nunc affirmo. P E T. Ergo & qui omnibus morbis, & qui omnibus uitis laborabit, in maximis æquè malis erit? B E A T. Ita mihi uidetur. P E T. Igitur quum hæc duo mala paria sint, horum quoque contraria bona paria efficientur, mutuo enim se semper contraria consequuntur. Ita fiet ut uirtus & uoluptas, quæ uitio & dolori contraria sunt, & paria & maxima tibi bona esse uideantur. B E A T. Adeo ne me insanam, adeo uoluptati deditam esse existimas, Petre, quamuis sim mulier, quam à mollitie dictam uultis, ut quasi in hortis Epicuri educata, uoluptatem esse summum bonum dicam? quæ quidem pecudum non hominū uox est. P E T. Non puto quidem te hoc sen-

*Contraria.*



tire, Regina, quam & prudentissimam,  
& cōtinentissimam semper cognoui, sed  
tamen hoc è tuis uerbis efficitur. Nam  
quum uoluptas dolori contraria sit, ut  
uitio uirtus, tu uerò dolorem & uitium,  
paria, hoc est, maxima tibi uideri mala  
dixeris, sequitur ut uoluptas uirtuti par,  
hoc est, maximum bonum sit. BEAT.  
Ego quidem ægritudinem, non dolorem  
mihi uideri malum dixi. PET. Quasi ue-  
rò aliud sit ægritudo quàm dolor. BEAT.  
Atqui non omnes qui dolent ægrotant.  
Potest quis aut cæsus aut tortus dolere, *Dolor.*  
idem tamen non ægrotabit. PET. At om-  
nes qui ægrotant dolent BEAT. Ego qui-  
dem neque omnes, neque semper ægro-  
tantes dolere existimo. Sed esto (ne tu  
me more cæterarum mulierum conten-  
tiosam atque obstinatam dicas) doleant  
sanè omnes qui ægrotant, ego tamen nō  
de omni dolore, sed de eo solum, qui ab  
ægritudine proficiscitur disputo. PET.  
In laqueos rursus incidis, nam quum do-  
lorem aliquem fateris esse malum, uo-  
luptatem ei bonum, ut contrarium, sta-  
tuas necesse est. BEAT. Opem mihi con-  
iunx feras necesse est, nam ego ex hu-



DE TOLERANDA CORP.

ius ueteratoris laqueis extricare me non  
possum. MATH. Aequa postulas, uxor.  
Nam quum tu meam causam agendam,  
& meas partes defendendas susceperis,  
me tibi in mea ipsius causa succedere at-  
que opem ferre æquissimum est. Quan-  
quam uereor ego quoque ut huius argu-  
mentationibus resistere satis possim, ita  
illum uideo subtiliter consideratq; pro-  
cedere, & omnes itinerum angustias, om-  
nia fugæ præsidia occupare. Sed placebit  
mihi sapientissimo uiro succumbere, &  
quasi Herculi uictas manus præbere, præ-  
sertim quum neutro modo superior esse  
possim. Nam si id quod in controuersia  
est, hoc est ægritudinem malum esse ob-  
tineo, sum inferior, quia à malo superior:  
si non obtineo, rursus inferior sum, quo-  
niam à Petro superior. PET. Immò, Rex,  
utrouis modo res cedat, non potes tu non  
esse superior. Nam si obtines ægritudi-  
nem malum esse, quia me uicisti supe-  
rior es: si non obtines, quia malum uici-  
sti, superior item es. MATH. Nónne ego  
prædixi me quoq; tuos laqueos non eua-  
surū? iam nūc enim me meis retribus im-  
plicuisti, Sed age, ad nostrā disputationē



redcamus. PET. Redeamus. MATH. Aegritudinem sibi malum uideri vxor dicebat. PET. Quid tu? MATH. Malum quidem eam esse dico, sed non opponi ei voluptatem ut contrariū. PET. Quid igitur. MATH. Sanitatem. PET. Quid tu, in sanitate uoluptatem inesse non uides, ut *Sanitas.* in ægitudine dolorem? ita ut voluptas & dolor quasi genera sint, hæ uerò ab illis tanquam species contineantur. Sed concedamustibi, ægitudini sanitatem opponi, si ægritudo malum est, nõne erit sanitas bonum? MATH. Et quidem magnum. PET. Porro si ægritudo malum est, aucta illa, malum quoque augebitur, ita ut summa ægritudo summum malum sit. MATH. Ita mihi profectò videtur. PET. Eadẽ ratione fiet ut summa sanitas, summum bonum sit. Vide quàm hoc ab illa, de qua paulò antè loquebamur, hominis dignitate & fœlicitate dissentias. MATH. Dicere istud quidem non audeo, sed pudet me ita citò de sententia esse deiectum: video enim si sanitas summum bonum non sit, ægritudinem, ut ego putabam, summum malum esse non posse. Proinde tu me, quæso, Petre his la-



DE TOLERANDA CORP.

queis explica atque extrica, & nos au-  
bos (vt etiam pro vxore loquar) quere-  
admodum pauloantè fecisti, perpetua  
ratione confirma. P E T. Ita faciam. Se-  
craticus quidem Aristippus, primus or-  
nium uoluptatem summum bonum; do-  
lorem summum malum dicere non dubi-  
bitauit: hunc secutus Epicurus, ei nō tam  
uita quàm oratione consensit. Rhodius  
deinde Hieronymus, qui indignam for-  
tasse philosopho sententiam illam existi-  
maret, in uacuitate doloris summum bo-  
num collocauit. Metrodorus eum demū  
plenè perfectèque beatum esse dixit, cui  
corpus benè constitutum esset, explora-  
tūque ita semper fore: qua ratione ne-  
mo esset unquam beatus. Quis enim ha-  
bere exploratum possit, se corpore sem-  
per benè constitutum fore? Hieronymus  
verò nimis timidus doloris fuit, qui co-  
vacare summum bonum putaret. Quid  
enim (vt cætera omittamus) si paupertas  
te, si orbitate, si infamia laborauerit, li-  
cet uacuis omni corporis dolore sit, po-  
teritne vnquam esse hic beatus? M A T H.  
Minimè. P E T. Quid si omnibus flagitiis  
obrutus atque immerfus fuerit? M A T H.  
Multo

Aristip-  
pus.

Epicurus.

Hieron.

Rhod.

Metrodo-  
rus.



Multo minus. PET. Non est ergo qui dolore uacat beatus? MAT. Non, ut nunc video. PET. Iam uerò Aristippi & Epicuri de uoluptate sententia non est digna quæ apud uos confutetur, præsertim quum Regina paulò antè dixerit, eam pecudum uocem esse non hominū. Sunt igitur omnes hæc de dolore sententiæ reiiciendæ, in eumq; locum nostra omnis opinio traducenda, ut quicquid à uirtute & Dei uoluntate institutisq; abhorret, id solum esse malum arbitremur, dolorem uerò & durum, & asperum, & molestū, & difficilem esse dicamus, malū esse non dicamus. Nam si malum esset dolor, miser esset non is modò qui eo tunc uexaretur, sed quicunque etiam eo quandoq; vexari posset, propterea quòd eum semper expectaret ac timeret. Cùm autem nemo sit cui contingere id non possit, nemo ab hac miseria esset immunis, omnes ergo perpetuò miseri essemus. Vide quantum mea hæc à tua sententia discrepet: quod autem de dolore dico, de ægritudine quoque dictum uelim. Age uerò, si aut ægritudo, aut dolor malum esset, quis (obsecro) eius uitandi gratia,

Malum  
quid.



DE TOLERANDA CORP.

non omnem infamiam ignominiámque  
fufciperet? Quis contra ut uel exiguam  
infamiam fugiat, non maximas ægritu-  
dines incurrit? maximos dolores crucia-  
túsque fufcipit? Age ( ne longius exem-  
pla requiramus ) quoties tu Rex, ne ab  
hôte pulfus fuperatúsque uidereris, aut  
immenfos æftus, aut frigora incredibi-  
lia pertulifti? M A T H. Iftud quidem no-  
bis penè quotidianum eft, hyemes to-  
tas fub pellibus agere, nullo frigore uel  
à caftreis recedere, uel ab obfidionibus  
præliísue abftinere: rigidiffimam gla-  
ciem penè nudi perambulamus, ftratúm-  
que in caftreis habuiffe luxuria eft. Ego  
verò ad hæc etiam graues ægritudines in  
caftreis pertuli, dolorésque incredibiles  
fæpenuerò diffimulaui, ne me iacente  
& cõfternato animi hõstibus inualefce-  
rent, meis debilitarentur. P E T. Quid tu  
quum ifta ageres, dolorem infamiæ, an  
infamiam dolori præponendã exiftima-  
bas? M A T. Omnibus doloribus, etiã mi-  
nimã infamiam præponendam fæpẽ  
exiftimaui, & quantũ in me fuit ipfe præ-  
pofui. P E T. Longè igitur maius malũ in-  
famiam quàm dolorem putas? M A T H.



Immò tātò maius tantoq; grauius, vt præ  
ignominia dolorem malum non putem.

P E T. Et rectè quidem. Vides igitur quā-  
tum sit breui disputatione effectum, vt  
dolorem, si cū ignominia cōparetur, ma-  
lū non putes. M A T H. Video, sed amplius

adhuc opto. P E T. Quidnam? M A T H. Vt *Ægritu-*  
fi fieri potest, facilem illum mihi tolera- *do quāli-*  
bilēque efficias. P E T. Istud quidē bre- *bet gra-*  
ui (vt spero) nō tam mea oratione, quā *uis, vt fer-*  
tua prudentia consequeris. Nam si ani- *ri ab ho-*  
mum mihi adhibueris non repugnan- *mine, tole-*  
tem, & uolueris paulò diligentius rem ip *rarique*  
sam amora omni perturbatione confide- *possit.*  
rare, intelliges nullam esse tam grauem  
ægritudinem, quæ ferri ab homine, to-  
lerariq; non possit. Omnia enim quæ ab  
hominibus graua aut difficilia existi-  
mantur, partim exercitatione & consue-  
tudine, partim prudentia & ratione uin-  
cuntur. Cōsuetudo cōmunior omnibus  
& fortasse facilior: ratio melior, & nō mo-  
dò uiro sapiēte, uerūetiam Rege fortissi-  
mo dignior. Nā ut de cōsuetudine prius *Consuetu-*  
dicam, videm<sup>9</sup> durissimos lapides à mol *dine, &*  
lissimæ aquæ guttis, longa cōsuetudine *exercita-*  
percauari, quod uix ferro, aut ui alia fieri *tione.*



DE TOLERANDA CORP.

posse speraremus : quòd si hoc in lapide  
consuetudo potest, in humano corpore  
cur non possit? Quæ tam fera tam imma-  
nis bellua est, quæ non tempore & con-  
suetudine mansuescat, mutatæque naturæ  
feritate cum hominibus uiuere & com-  
morari discat? Videmus Leones, Elephan-  
tos, Tygres, & ferocissima quæque ac ua-  
lidissima animalia, humanis uocibus as-  
suefacta obtemperare & parère, depofi-  
tæque ui & feritate naturæ, ad hominum  
se studia & voluntatem accommodare,  
& quæ nullam uim, nulla arma soleant  
pertimescere, consuetudine adhibita in-  
ermis atq; inualidi serui manus aut uo-  
cem reformidare. Quòd si hoc feræ pos-  
sunt efficere ab hominibus assuefactæ at-  
que edoctæ, homines qui illas docuere,  
non poterunt? Quæ, obsecro, tam tenuis  
anicula est, quæ bidui ac tridui in ediam  
non ferat? Cibus si aratori aut mulioni  
unum diem subtraxeris, hominem penè  
iugulaueris, tantum in omni re consue-  
tudo ualet. Pueri Lacedæmone in Dianæ  
sacris vsque ad sanguinem cæsi, nullam  
omnino uocem emittebant. Nullus uel  
mediocris gladiator cum uulneraretur



ÆGRITUDINE. 51

unquam ingemuit, aut signum aliquod doloris ostendit: aut arma recipere iussus pugnam detrectauit, ita ut sæpè in extremo spiritu pōitus rogari dominum iuberet, nunquid adhuc sibi satisfactum esset. Quòd si uel pueri, uel extremæ sortis homines, ut uel uanæ suspicioni, uel hominum uoluptati satisfaciāt, sanguinem effundere, plagas & uulnera quàm plurima perferre non uerētur, nos ratione atque humanitate præditi, & in omniū oculis constituti, utilitatis nostræ gratia paruum dolorem, aut exiguam ægritudinē tolerare dubitabimus? Sed omitam<sup>9</sup> ueterum exempla, quæ quum è nostra memoria remotiora sint, tanquam à scriptoribus ficta minus mouent. Nōne hodie permulti in Thessalia & Græcia uniuersa sacerdotes, qui Veuisi patria lingua appellantur, nudi bruma tota, per altissimas niues glaciēsque incedunt, ingentesque ipsius glaciei laminas complexi, pectori admouent, nudique in nuda humo semper dormiunt, ut Ioannis Baptiste uitam & austeritatē imitentur? Quid Turcæ, quos tu Rex sæpè uicisti, nōne se cera, aut pingui, aut pice liquefacta

G iij



#### DE TOLERANDA CORP.

ustulari torrerique, nulla emissâ voce, patiuntur? Nône se adacto per longitudinem corporis palo totos traici, sine ulla doloris significatione permittunt? Quid subditi tui Rex, quos tu incredibili iustitia & seueritate compescis, nône ita se interdum etiam à rotis plaustrî contundi effringique sinunt, ut vix ullum indicium doloris ostendant? Quid, obsecro, ad hanc patientiam, quid ad hanc constantiam addi potest? Quod nisi omnes ij longa consuetudine, in tormentis & doloribus obduruissent, tolerare profectò has pœnas atque hæc tormenta non possent. Hoc igitur aut agrestibus monachis, aut flagitiosis hominibus, aut ueræ religionis expertibus consuetudo dabit, ut sua corpora omnibus cruciatibus, tormentisque obiiciant, nobis ut leuem capitis, aut stomachi, aut pedum dolorem feramus, eadem consuetudo non dabit? Turpe profectò est, & omnis sapientiæ professione indignum, cum qui præstantissimos homines in maximis rebus superauerit, à uilissimis in re minima superari: & qui ceteris in rebus se inuictum præstiterit, in hac una ægritudine vin-



ei uelle. Ac de consuetudine quidem & exercitatione dixisse satis uideor. Superest nunc ut de ratione dicendum sit, nisi quid vos ad hæc vultis. MATTH. Nōne tam suauem orationem interpellemus? Perge amabo Petre, ut cœpisti, uideor enim oratione tua maiorem in modum leuari. PET. Pergam. Animus igitur noster, quem multiplicem habere potestatem suprā diximus, in partes omnino distributus est duas: earum altera rationis est particeps, altera expers. Quæ parti- *Ratione,*  
ceps est rationis, nobis ad regendum at- *& virtu*  
que imperādum est data, animoque vni- *e.*  
uerso præposita, ut ea duce quæ recta & honesta sunt diiudicemus, eaque omni studio expetamus. Hæc uitæ nostræ dux & magistra, nos ad eam traducendam cōsilio, prouidentiāque instituit, uerique perspiciendi auidos imprimis reddit. Hæc nos orationis uinculo conciliatos ad uitæ communionem societatemque congregat, congregatosque legibus, institutis, commerciis, officiisq; conseruat. Hæc eadem nos in periculis alacres, fortes in aduersis, in laboribus patientes, in omni re inuictos, & humana contem-



DE TOLERANDA CORP.  
nētes facit: hęc deniq; nobis quid sit ordo  
in uita, quid modus, quod in una qua-  
que re decorum seruandum ostēdit, nōs-  
que in omni uitæ parte continentes &  
temperatos præstat. Ab his igitur parti-  
bus, quum illud quod rectū honestū-  
que appellamus, tanquam à fontibus  
quibusdam oriatur atque emergat, uir-  
tutes omnes proficiscuntur, & in hac  
quam diximus animi parte constitutæ,  
nostram uitam omni laude, omni hone-  
state, omni denique dignitate exornant.  
Ea uerò pars quam expertem diximus  
esse rationis, quum à sensibus tota pen-  
deat, quod semel bonum esse existima-  
uit, eò toto impetu fertur, eò uim suam  
omnē & cupiditatē transfert. Quod cōtrā  
malum ipsa utcūq; iudicauit, id omni stu-  
dio repellit ac reiicit, id summa ui, sum-  
ma temeritate infectatur. Hinc omnes  
cupiditates, omnes perturbationes, om-  
nes animi non motus tantum, sed morbi  
quoque ægritudinēque nascuntur. Quū  
igitur pars hæc rationi ita aduersatur, ita  
repugnat, ut illa victa prostratāque ia-  
ceat, ipsa præsit ac dominetur, breui cor-  
pus atque animum uirilem, aut auari-



tia, luxuria, cupiditatibusque effœminat:  
aut ira insolentiæque inflammatur: aut me-  
tu & dolore prosternit. Quum autem ra-  
tio temeritatem ita cohibet, ita coercet,  
ut ipsa superior sit, ipsa animo modere-  
tur atque imperet, cum omni uirtute, om-  
ni dignitate ac laude exornatum, ad be-  
nè beatèque uiuendum instituit, ad glo-  
riam & immortalitatem rapit, recta de-  
nique in cœlum ducit. Quæ quum ita  
sint, potestis (obsecro) dubitare, rationi an  
temeritati obsequi & parere malitis? Nō-  
ne ut huic obtemperemus, ut hanc se-  
quamur, omnis ægritudo superanda, do-  
lor omnis cōtemnendus est? Quid porrò  
uobis eam dicturam existimatis? decum-  
be in lectulo, indulge valetudini, negotia  
curasque omite, euita dolores. profectò  
non ita dicet. Quid ergo? Vince magno  
atque excelso animo molliciem ac segni-  
tiem: ægritudinem, dolorem omnem tur-  
pitudine atque infamia leuiorem puta.  
Ea quæ aut honesta aut necessaria esse  
intelligis, nulla doloris aut ægritudinis  
asperitate victus deterritusue omittas:  
quem uincere dolorem medicina non  
potes, contētione animi & patientia uia-

*Rationis  
verba ad  
agrotum.*



DE TOLERANDA CORP.

*Fortitudi  
nis laus.*

cc. Hæc tibi ratio dicet, hæc suadebit, hæc  
omni studio persuadere conabitur. Et  
profectò, si uerum fateri uolumus, rectif-  
simè suadet. Quòd si nos ipsos amamus,  
si nobis rectè consulere uolumus, est si-  
ne dubitatione audienda. Nam cum ab  
omnibus honestatis partibus laus & glo-  
ria proficiscatur, ex ea præcipuè ducitur  
quæ fortitudo nominatur. Omnes enim  
id potissimum admiramur, quod forti-  
ter, quod constanter, quod magno ani-  
mo factum esse intelligimus, eoque ma-  
ximè delectamur. Quid est autem quod  
ita exigit constantiam, ita exerceat ani-  
mi magnitudinem, inuictum illud for-  
titudinis robur ita desideret, ut ægritu-  
do, ut dolor, quippe qui non corpus mo-  
dò, sed animum quoque deicere & la-  
bescere contendat? Quid igitur est  
quod maiorem nobis laudem ac digni-  
tatem afferre queat, quàm si ei excelsò &  
inuicto animo restiterimus? Quum verò  
nihil sit quod à natura tantoperè cupia-  
mus, quàm honestatem, quàm laudem,  
hanc profectò vnâ virtutem, unde laus  
maxima & clarissima ducitur, & appete-  
re omni studio & exercere debemus. E-



ius porrò quum potissimam esse laudem  
intelligamus, ægritudinem ferre, dolo-  
rem tolerare, quæ obsecro tanta uis do-  
loris, quæ tanta molestia ægritudinis po-  
test esse, ut eam non magno, atque inui-  
cto animo perferre uelle debeamus? Di-  
cerem nos ultro ægritudini occurrere, &  
ut tantam ex ea laudem consequeremur,  
eam etiam affectare debere, nisi uererer  
ne nimis in nos ipsos durus atque inhu-  
manus existimarer. Multi tamen è uete-  
ribus illis Romanis (à quibus tu Rex quū  
originem ducas, degenerare non debes)  
non modò dolorem, sed mortem quoque  
omni dolore grauiorem, hac animi ma-  
gnitudine & præstantia ducti, cupidissi-  
mè appetuère. Quid enim quæsiuit aliud  
fortissimus ille Mutius, quum & ad Por- *Mutius.*  
senam trucidandum contenderet, & ma-  
num igni ultro impositam cremari con-  
stantissimè pateretur? quid, inquam, quæ-  
siuit aliud, nisi ut constans atque inuicti  
animi putaretur? Quid Cocles ille Ho- *Cocles*  
ratus sibi voluit aliud, cū & vniuersis *Horat.*  
se hostibus in ponte solum opposuit, &  
eo rescisso se cum armis omnibus in flu-  
uium præcipitauit, nisi ut hanc fortitudi-



DE TOLERANDA CORP.

**Curium.** nis laudem assequeretur? Quæ uis Cur-  
tium in terræ hiatum cum armis immi-  
sit? Quæ uis tres Decios Patrem, filium  
& nepotem hostibus deuouit? Quid ue-  
rò Valerium Coruinum gentilem tuum

**Decij.**

**V. Corui-  
nus.**

Rex, ad singulare illud Galli certamen  
incendit? nōne incredibilis quædam a-  
nimi magnitudo, cuius ille præcipuè lau-  
dem appetebat? Possem uobis innume-  
rabiles alios commemorare, qui huius u-  
nius virtutis cupiditate flagrant, aut  
maximos cruciatus, aut mortem acerbis-  
simam ultrò subiere. Quid si hoc quoq;  
à uobis exigere? nōne multo grauius  
uobis & difficilius uideretur? sed nō hoc  
exigo, non hoc depono. Non hoc possu-  
mus, dicitis: ego quoque quod non po-  
testis non peto, sed illud peto, non mo-  
dò quod potestis, sed quod commodis-  
simum uobis, & facillimum est, ut do-  
lorem & uenientem non timere, & præ-  
sentem æquo animo ferre discatis. Com-  
pare, quæso, uobis hanc fortitudinis &  
patientiæ laudem, quæ quidem tanta  
est, ut cæterarum virtutum laudes longè  
antecellat. Nam quum omnes recte a-  
nimi affectiones virtutes nominentur,

**Dolorem  
uenientem  
nō timere  
Et præsen-  
tem æquo a-  
nimo fer-  
re discen-  
dum.**



hec vna ceteris tantum excellit, vt & hoc  
 sibi nomen vt proprium vendicauerit, &  
 ab hac cæterę omnes, virtutis nomen ac-  
 ceperint. Cum enim viri maximè pro-  
 pria sit fortitudo, ab eo, vt ait Cicero, vir-  
 tus appellata: eius porrò duo sunt præci-  
 pua munera, mortis dolorisque contem-  
 ptio: vtendum est igitur his, si virtutis  
 compotes, vel potius viri volumus esse,  
 quoniã à viris nomen est mutuata. Quã- *Fortitu-*  
 quã autem hoc proprium munus est *dinis pro*  
 fortitudinis, vt dolorem contemnamus, *priũ mu-*  
 ægritudinẽque omnem patienter mo- *nus quod.*  
 deratẽque feramus: virtutes tamen om-  
 nes ita cõiunctę inter se & connexę sunt,  
 ut si vnam amiseritis, aut si amitti uirtus  
 non potest, si vnam confessi fueritis vos  
 non habere, nullam sitis habituri. Ne-  
 que enim ita in virtutibus vt in vasis aut  
 vestibis accidit: illorum enim si vnum a-  
 liquod amiseris, reliqua habebis: virtu-  
 tum si vna tibi defuerit, omnes deerunt.  
 Quo enim pacto poteris aut tibi aliisq;ue  
 prospicere, aut in rerum inuestigatio-  
 ne uersari, si ægritudinis molestia, &  
 dolore vincaris? Iustitia quomodo co-  
 li poterit ab eo, qui doloris magnitudi-



DE TOLERANDA CORP.

ne superatus, detegat commissa, conscios  
prodat, iusiurandum & fidem frangat,  
cetera societatis humanæ consilia dese-  
rat? An uerò moderatè quicquam aut  
continenter faciet, qui dolorem non fe-  
ret? constans certè, aut grauis, aut patiens  
aut magni animi, aut denique uir dici  
nullo modo poterit. Epicurus quidem

*Epicuri* qui dolorem malorum omnium extre-  
*de dolore* mum esse censebat, quodam loco sapien-  
*sententia.* tem affirmat, si vratur, si crucietur, si in  
Phalaridis tauro sit, dicturum: quàm hoc  
suauis est! quàm hoc non curo! Quod qui-  
dem si à Stoicis diceretur, non ita mirum  
esset, quippè qui id solum quod hone-  
stum est bonum, quod turpe est id solum  
opinentur malum. Epicurum uerò dolo-  
ris præcipuum hostem, nonne mirum at-  
que incredibile est ita loqui? uideamus  
tamen quam huius sententiæ rationem  
afferat. Si summus (inquit) est do-  
lor breuem esse necesse est: breue autem  
quod est, tolerari facile potest. Sin lon-  
gior est, futurus leuior, & propterea tole-  
rabilior erit. Omittamus, obsecro, tã du-  
ram austeramque sententiã, neque cum  
Epicuro sapiētes esse uelimus, ut suauem



esse dolorem & iucundum dicamus: exi- *De dolore*  
stimemus id quod est, molestam esse æ- *quid sen-*  
gritudinem, dolorem asperum, durum, *tiendum.*  
difficilem, & qui uix ferri tolerariq; pos-  
sit, sed cū patientia, animi magnitudine  
& contentione, uincēdum esse ducamus.  
Qui si quando grauius urgeat, reuocem<sup>us</sup>  
omnes animi uires, animūque ipsum  
quasi arcum quendā fortius intēdamus,  
neque uirili cuidam gemitui interdum  
parcamus, nō qui dolorem exprimat, sed  
qui animum erigat atque intendat. Sicut  
enim qui cursu aut saltu certant, clamō-  
re quodam se incitant atq; instigāt, & ad  
certamē alacriores reddunt: ita qui cum  
ægritudine & dolore contendunt, uoce  
quadā uirili animi uires excitant atque  
instaurāt. Ne patiamur ergo remitti ani-  
mum, & ab ægritudine opprimi. Quēad-  
modū enim qui pondus aliquod ferunt,  
si uires paululū remiserint, ē uestigio suc-  
cumbunt, & ab ipso pondere opprimun-  
tur: ita qui in dolore sunt, si animum ali-  
quantulū relaxauerint, seq; deiecerint, à  
doloris ui & magnitudine prosternūtur,  
adeò ut quū se erigere uolunt nō possint.  
Mollities igitur animi omnis reiicienda



DE TOLERANDA CORP.

*Doloris  
arma,  
que.*

*Alexād.  
Magnus.*

*Zeno Elea  
tes.*

*Calanus  
Indicus.*

*C. Mari<sup>9</sup>.*

est, fortitudo reuocanda. Si quando tamē  
nos deficere sentiamus, illa quæ Cicero  
appellat doloris arma capiamus, conten-  
tionem, confirmationem, sermonem, quo  
nos ipsos nunc adhortemur, nunc corri-  
piamus. Caue quicquam turpe, quicquā  
te indignū facias, quin te ipsum uince, ti-  
bi impera, à tui similibus ne degenera.  
Obuersentur deinde animo clarissimo-  
rum uirorum species: proponamus nobis  
Alexandrum illū Magnum, qui cū te-  
lum ē corpore sibi euellendum, atque ob  
id vulnus dilatādum esset, se alligari ue-  
tuit, timentēmq; ultrò medicum ut seca-  
ret est adhortatus. Proponamus Zenonē  
Eleatem, qui perpeffus est omnia potius  
quā conscios delendæ tyrannidis indi-  
cāret. Proponamus Calanum illum Indi-  
cum ad radices Caucafi natum, qui uiuus  
sua uoluntate combustus est. Propona-  
mus C. Marium, qui cū secandæ ei va-  
rices essent, primus Romanorum omniū  
solutus secari uoluit. Proderit nonnun-  
quam pudorē nobis turpitudinēmq; pro-  
ponere: nōnulli enim plus pudore quā  
ullis præmiis profecerunt. Sed in primis  
proderit decus, honestatem, dignitatem,  
laudem



laudem oculis subiectam habere, qua-  
 optimus & generosissimus quisque ma-  
 ximè capitur. Aphricanus quidam cùm  
 Socraticum Xenophontem libenter le-  
 gere solitus esset, illud eius imprimis lau-  
 dabat, quòd diceret, non æquè graues es-  
 se labores Imperatoris & militis, propte-  
 reà quòd honos leuiorem faceret impe-  
 ratorium. Diceret fortasse quispiam, At ab-  
 ducit à rebus gerendis ægritudo. A qui- *Ægritu-*  
 bus (obsecro) rebus te, Rex, abducit? Num *do num à*  
 à Regni administratione? at illud etiam *reb. gerens*  
 in lectulo decubans administras, & ita *dis abdu-*  
 administras, ut nihil quod usquam fiat *cat.*  
 tibi incognitum sit, nihil iniussu tuo ge-  
 ratur, nihil non ad te referatur, nihil de-  
 nique sine tuo cōsilio administretur. An  
 te à bellicis rebus abstrahit ægritudo?  
 nōne tu & hactenus satis multa gessi-  
 sti, & hodie quoque tuo auspicio geris?  
 An bella manibus tantum & armis ge-  
 runtur, ac non potius consilio, autorita-  
 te, imperio? quarum rerum nullam tibi  
 adimit ægritudo. Nōne Federicus Vr- *Federicus*  
 binas in extrema senectute constitutus, *Vrbinas*  
 corpore etiam toto debilitatus & fractus,  
 animo tamen consilioque inuictus, assi-

H



DE TOLERANDA CORP.

duè versabatur in castris & bella gravissima gerebat? Quid est quod tu tuo consilio & autoritate gerere nunc quoque non possis? At caret voluptatibus ægritudo. Quibus voluptatibus? cibi, potus & Veneris? Istas quidem ego te nunquam appetisse, imò semper fugisse existimo, quippè quæ etiam sanis fugiendæ sint, adeò ut qui se iis dediderit, mentis compos esse non possit. De Regina nihil dico, quæ & castissima & continentissima semper est habita. Illis uerò voluptatibus quæ aspectu, auditu, animo denique ipso percipiuntur, quæ ueræ sunt voluptates, non modò non caret, sed summis quoque & penè assiduis fruitur ægritudo. Quanta enim est uoluptas illa oculorum quum sibi nunc terrarum tractus, arborum, frugum, animaliumque varietates, fulgorem gemmarum & cætera naturæ opera, nunc signa, tabulas, ædificia, cæteraque humani ingenij atque industriæ monumenta intuenta, & contemplanda quæ auri subiiciunt? Quanta est illa quæ auribus percipitur, cum aut musicorum instrumentorum, aut humanarum uocum miratum consonantia, tum varietate, tum

*Ægritudo veris voluptatibus non caret.*

*Oculorum voluptas.*

*Voluptas quæ auri percipitur.*



etiam suauitate detinemur? cum Regum,  
 Imperatorum, aut Rerumpublicarum res  
 gestas, uirtutes, instituta, ex alicuius vel  
 facunda narratione, vel iucunda lectio-  
 ne audimus? cum siderum motus, cœli  
 terræque naturam, humana denique &  
 diuina omnia, uel ipsi legimus, uel alio  
 legente intelligimus? Quanta, bone Deus,  
 & quam iucunda noster animus uolupta-  
 te expletur, quum hæc uidet, audit, con-  
 templatur, intelligit? quam suavis est ille  
 cibus eius? quam vera & solida delecta-  
 tio? Quid quum idem animus antequam  
 uitam sibi proponit, ea quæ uidit, quæ le-  
 git, quæ gessit, reminiscitur, præsertim  
 quum ea gessit, quæ recta ab omnibus  
 & laudabilia existimetur, cum sibi ipsi in  
 omnibus uitæ actionibus satisfecit? Quan- *Conscien*  
 ta est, bone Deus, & quam suavis illa con- *tie volu-*  
 scientiæ voluptas? quam fidum iudicium, *ptas.*  
 quam gloriosum testimonium? Nul-  
 lum profecto, ut ait Cicero, uirtuti thea-  
 trum conscientia maius. Neque verò  
 præsentium tantum bonorum animus be- *Animi be*  
 nè institutus uoluptate & suauitate per- *nè instit*  
 fruitur, sed multò etiam magis spe atque *ti volu-*  
 expectatione futuræ illius beatitudinis, *ptas.*



DE TOLERANDA CORP.

quam nec oculus uidit, nec auris audiuit, nec (ut inquit Paulus) in cor hominis ascendit, illam optat, ad illam aspirat, illius quantum potest contemplatione delectatur, illius iucundissima suauitate perfunditur. Cogitat enim quantæ dignitatis, quantæ felicitatis sit corporis huius vinculis & carcere liberari, cupiditates, perturbationesque deponere, mortem non modò non timere, sed ne sentire quidem aut expectare unquam posse, immortalē se æternūque fieri, cœlestibus illis spiritibus, quos alij intelligentias, alij substantias separatas, alij Græco uocabulo Angelos uocant, socium atque æqualē effici. Augustissimam deniq; illam & diuinam lucem, omni similitudine & comparatione maiorem, omnem sermonem, omnem cogitationem, omnes mentis cōceptus longē excedentem, non modò intueri, uerum etiam intelligere, & (quod ad summum beatitudinis culmen accedit) se eam sine fine uisurum atque intellecturum scire. Quæ quidem cū cogitat animus, nonne incredibili quadā atq; immēsa voluptate completur? Nonne ut ad eam quādoque perueniat omnē agri-



tudinem dolorémq; contēnit, immò etiā  
 expetit: præsertim cū illud Pauli ueniat  
 in mentem, Non sunt condignæ passio-  
 nes huius temporis ad futuram gloriam,  
 quæ reuelabitur in nobis. Ad has igitur  
 tantas & tam ueras, & solidas voluptates,  
 quum ægritudinis aut doloris alicuius  
 uos molestia uexat, animum, quæso, re-  
 uocate: hæc Regibus, hæc hominibus dignis-  
 simæ sunt. Cogitate, obsecro, hanc tantam  
 cœli mūdique molem, hunc siderum or-  
 natum, fulgorem, motum, ordinem, ue-  
 stra causa constitutum esse. Cogitate hūc  
 aërem tam salubrem, tam purum, tot uo-  
 lucris refertum: hoc tam immensum,  
 tam longè latèq; diffusum, tā utiliter ter-  
 ram intrā extrāq; complectēs mare, tan-  
 ta piscium copia & uarietate repletū, uo-  
 bis esse procreatum. Cogitate hanc terrā,  
 tot arborum, frugum, herbarūq; fera-  
 cem, tot metallis, marmoribus, gemmis,  
 tantisq; opibus grauidam, tot aquis sca-  
 tentem, tot animalibus abundantem, tan-  
 ta locorū, ac rerum omnium pulchritudi-  
 ne & uarietate distinctam, uobis ab Deo  
 productā & concessam esse, uestro impe-  
 rio atq; arbitrio esse subiectā. Intuemini

*Cogita-  
 tiones gra-  
 ues et ho-  
 nestæ.*

H iij



DE TOLERANDA CORP.

deinde uos ipsos, uestrum corpus atque  
animum considerate, & in altero tam in-  
signem figuram, tam pulchrā, tam artifi-  
ciosam membrorum dispositionem, tam  
inenarrabilem ordinem, tantas & tā in-  
credibiles utilitates: in altero tam acutū  
& tam perspicacem intellectum, tam am-  
plam capacēque memoriam, tam prō-  
ptas atque admirabiles sentiendi cupien-  
dique uires, tam solertem diuināmq; ra-  
tionem contemplantini, uosq; ipsos re-  
cordamini ad beatitudinē atque immor-  
talitatem esse genitos. Reuocate deinde  
ad uos ipsos animum, & uestra singilla-  
tim bona uobis in memoriam redigite.  
Cogitate uos clarissimis maioribus esse  
natos, amplissimum, opulentissimū &  
pulcherrimum Regnum obtinere, pluri-  
mis & bellicosissimis nationibus impe-  
rare, maximis opibus, ingenti seruorum  
multitudine abūdere, in summo dignita-  
tis gradu inter homines constitutos esse.  
Proponite uobis antē actam uitam uni-  
uersam, & res à uobis domi militiaeque  
fortissimē gestas, tot nationes deuictas,  
tot captas urbes, tot cōfecta bella repeti-  
te. Recensete suas uterque uirtutes. Tu



Regina pietatem, pudicitiam, continen-  
tiam, modestiam: tu Rex militarem di-  
sciplinam, animi magnitudinem, pru-  
dentiam, iustitiam, æquitatē, clemētiam,  
fidem: ambo uerō mansuetudinem, fa-  
cilitatem, liberalitatem, magnificentiā,  
doctrinam, sapientiam. Atque ex his om-  
nibus intuemini quandam in uobis fœli-  
citatis imaginem, quam si oculis cerne-  
retis, uos maiorem in modum nō modò  
delectaret, verumetiam ad futuram illā  
beatitudinem inflammaret atque incen-  
deret: alios certē in tantam uestri admi-  
rationē adducit, ut ex omnibus terris, nō  
modò integri homines, sed (quod incre-  
dibile dictu est) etiam cæci uestrarū uir-  
tutum splendore, & fama uestre fœlici-  
tatis excitati, ad uos uidēdos salutandōs-  
que concurrant. Existimate igitur uobis,  
& nasci optimū fuisse, & uiuere saluber-  
rimum atque utilissimū esse. Imitamini  
tum ueteres illos clarissimos uiros, tum  
maiores uestros quorum omnium uobis  
exempla proposui, & ad eam, quam illi  
tantoperē sibi comparare studuerūt, glo-  
riam atque immortalitatem, toto animo  
& cogitatione properate. Aegritudinem

*Epilogus.*

H iij



DE TOLERANDA CORP.

autem & dolorem omnem ita vobis ferendum existimate, vt quod multi vel metu, vel gloriæ cupiditate, vel consuetudine, vel pudore faciunt, vt nullum dolorem curent, nullum cruciatum reformident, nulla ægritudine moueantur, vos id ratione & virtute adducti faciatis. Contendite quantum potestis, & confirmate animum, eximiâque hanc patientiæ & constantiæ laudem adamate atque appetite, ne de vniuerso virtutum coetu hæc vna vobis deesse uideatur. Et quando prosperâ pulcherrimè scitis ferre fortunam, date operam vt etiam si opus sit ferre sciatis aduersam. Postremò æternâ illam inenarrabilêmque beatitudinẽ omni fide, omni spe, omni cogitatione amplio- rem, toto iam animo concipite, tota spe & cogitatione apprehẽdite, tota mente & fide expectate, & credite fore, ut pro exigua & breui ægritudine, summa vobis & æterna valetudo atque immortalitas, ab optimo & beneficentissimo omnium parente referatur. Hęc habui quæ tum de humanæ vitæ conditione, tum de toleranda corporis ægritudine, vobis in præsentia dicerem: non inge-

*Peroratio*



nio aut doctrina mea fretus, quod v-  
trunque tenue atque exiguum esse certò  
scio: sed vestra autoritate incitatus, ve-  
stròque imperio penè coactus, magisque  
vt vobis obtēperarem, quàm quòd huic  
muneri me satisfacere posse considerem:  
inermem enim me atque imparatum of-  
fendistis: ex tempore autem de his re-  
bus disputare, audaciæ potius & temeri-  
tatis, quàm doctrinæ & prudentiæ esse ar-  
bitror. Concedamus sanè hanc siue scien-  
tiæ, siue ingenij laudem Græcis, qui eam  
expetiuerè, seque in ea re magnoperè  
exercuerè, nos diligentia & excogita-  
tionis laude contēti simus. Si tamē vobis  
in hac quoque extemporali disputatione  
satisfactum esse existimabitis, quorū iu-  
dicia meritò maximi semper feci, ego  
me non mediocrem meæ disputationis  
fructum percepisse arbitrabor. Sin vobis  
satisfactum non erit, vobis ipsis qui mi-  
hi hanc prouinciam demandastis impu-  
tare debebitis: ego utcūq; sit, ab hac cul-  
pa immunis ero. Μ Α Τ Η. Nobisne à  
tanta doctrina atque eloquentia satisfa-  
ctum nō sit? Immo Petre (vt de me dicā)  
ita me tua oratione consolatus es, ita re-



DE TOLERANDA CORP.

creasti, ita oblectasti, ut non modò nullam dum te audirem ægritudinem senserim, sed ne in posterum quidem ullam me sensurum sperem, curatúmque abs te hodie me planè putem. Quàm multa, bone Deus, & quàm memoriter dixisti! quàm uerò latinè, & quàm ornatè, quàm copiosè res difficillimas pertractasti! nuquam antehac audieram hæc isto modo dici, nec putabam dici posse tam latinè, tam eleganter, tam dilucidè. Tu uerò & res in Philosophia grauissimas explicasti, & eas orationis splendore & uertate mirum in modum illustrasti atque exornasti, ita ut dum te audiebam viderer imaginem quandam Ciceronis audire. Superasti, profectò, Petre, & opinionem meam, & uxoris de te prædicationem. Itaque cui plus debeam nescio, soceròne, qui te ad nos misit, an uxori, quæ te apud me commendauit, an tibi qui nostrum omnium spem atq; expectationem tua sapientia eloquentiâque vicisti. Atque illis quidè ambobus quantum debeam ipse mihi conscius sum, tibi uerò tantum debeo quantum soluere opes nostre uix possint. Tua enim opera



fateor me hodie ab uniuerſa ægritudinis  
moleſtia in perpetuum eſſe liberatum.  
Quamobrem & ago tibi ſummas, ut de-  
beo, gratias, & omnia erga te ſumma ac  
ſingularia ſtudia officiâque polliceor.  
BEAT. Me quoq; Petre, quanta uolupta-  
te affeceris dici non poteſt. Ita ut cū te  
ſæpenumero audierim, nunquā antehac  
videar audiuiſſe, ita omnes diſciplinārū  
fontes hodie demū reſeraſti, omnes elo-  
quentiæ habenas effudiſti. Tuam uerò  
ſententiam ita laudo, ita accipio, vt exi-  
ſtimem non minus me, quā Regē ip-  
ſum, eſſe tua oratione & cōſolatione, con-  
tra ægritudinem & dolorē omnem con-  
firmatam atque munitam. Tibi itaque  
non tua modò, ſed mea quoq; & mei pa-  
tris cauſa magnoperè gratulor, quòd Re-  
gi & cōiugi meo, immò (ut uerè dicam)  
parenti altero, tantoperè ſatiſfeceris: mi-  
hi quidē certè ſatiſfecisti plurimū. Qua  
propter meo quoq; nomine magnas tibi  
gratias & ago & habeo. Spera autem u-  
trumque noſtrū (vt tibi etiam pro Re-  
ge pollicear) cumulata tibi propediem  
gratiam relaturum. PET. Obruitis me  
profectò ambo, & opprimitis, ingenti



DE TOLERANDA CORP.

atque incredibili humanitate vestra. Vix enim ferre possum, ut quib. ego mea omnia debere me scio, illi mihi & gratias agant, & plurimum debere se dicant. Breui itaque ambo sic habete, totum me quantumcunque sum & vestro beneficio esse, & à vobis pendere. Orationem verò nostram iucundam vobis aut gratam accidisse, magnam vobis habeo gratiam, mihi que satis amplum mei laboris præmium videor esse consecutus. Quod autem miraris Rex, hæc latinè dici potuisse, sic velim existimes, nihil esse tam horridum tamque incultum ( ut ait Cicero ) quod non splendescat oratione, & tanquam excolatur. Sed & nostræ & superioris ætatis homines, cum neque Græcas, neque Latinas literas satis scirent, & essent ingeniosissimi, philosophiæque in primis studiosi, res utcumque secuti sunt, verba contempserunt. Confluente verò in dies magis ad id studium multitudine, breui effectum est, ut Philosophia omnium disciplinarum parens atque regina, quæ antea luculentissima & ornatissima erat, sordida, inculta & planè barbara efficeretur. Quod quidē meo iudi-



cio est peruertere Philosophiam non discere, eamque non illustrare, sed situ tenebrisque inuoluere. Atque hanc imperitiam suam, barbari atque ignari literarum omnium ita tutantur, quod dicant se res sequi velle non verba, neque quod paucis expediri possit pluribus dici oportere, ideoque non esse Rhetoricen Philosophiæ necessariam. Quorum quidem stultissimis rationibus ego alio tempore, & quidem accuratè, respondebo, ostendàmque Philosophiam sine oratoria facultate, stultam quandam & circularem seu triuialem disciplinam esse. Nunc autem ostendere tantum volui, latinè & eleganter pronunciari posse, & veterem illam Ciceronis in disputando (quantum in me fuit) consuetudinem reuocaui.

MATH. Video te id quidem esse iam affectum, & cupio primo quoque tempore te audire Rhetorices, quā ego semper amaui, vituperatoribus respondentem.

PET. Tu verò poteris id cum voles audire, nunc quoniam aduersperascit, & ego vobis satis superque molestus fui, date veniam garrulari meæ, eamque tum ætati iam ingrauescēti, tum Siciliæ patriæ,



tum vestrae humanitati adscribite. Vos  
itaque corpora curabitis, ego me domū  
recipiam. MATH. Nullum mihi iam-  
pridem ita iucundū & fortunatum diem  
actum esse, verē possum affirmare. Pro-  
inde, Petre, fac in posterum frequentius  
ad nos venias, vt liceat quā plurimos  
dies tua opera laetos agere. BEAT. Dica-  
te & pignore cogemus, nisi sponte vene-  
ris, Petre. Nam hi quidem dies, albo cal-  
culo signandi sunt. PET. Non commit-  
tam vt me diu sitis desideraturi. Valete.

DIALOGI DE HVMANAE VITAE  
conditione, Lippo Brandolino  
autore, finis.



